

40
3201 (23)

DISSERTATIO INAVGVRALIS
SISTENS
Α Φ Θ Α Ρ Σ Ι Α Ν
CORPORIS CHRISTI
IN CRUCE EXSTINCTI,

EX PSALMI XVI. COMM. X.
ASSERTAM,
SCRVPVLISQVE RECENTIORIS ANONYMI
LIBERATAM,
IN ACADEMIA REGIA

GEORGIA AVGVSTA

INTER IPSA
DEDICATIONIS ILLIVS SOLENNIA
PRO OBTINENDIS
SVMMIS IN THEOLOGIA HONORIBVS,
DISQVIVISIONI PVBLICAE
EXPOSITAM

A

BALTHASARE MENTZERO,
PROTECCLESIASTE AVLICO HANNOVERANO,
REGIAE MAIEST. MAGNAE BRIT.
PER ELECTORATVM BRVNSVIC. AC LVNEB.
CONSILIARIO CONSISTORIALI ET ECCLESIASTI-
CO, DVCATVSQVE CALENBERGICI SVPERINTEN-
DENTE GENERALI.

GOTTINGAE,
STANNO I. C. L. SCHVLTZII, ACAD. TYPOGR.

**CONSISTORII SACRI RE-
GII HANOVERANI**

**PERILLVSTRI DIRE-
CTORI**

ET

**SENATORIBVS VENERABI-
LIBVS,**

**COLLEGIS AC FAVTORIBVS
SVIS**

**SVMMO STVDIO CVLTIS COLEN-
DISQVE,**

DOCTORALEM HANC DISSERTATIONEM

DAT, DICAT

A V C T O R.

X

DOCTORIS THEOLOGIAE titu-
lum me nuper adsciuisse, quem
haud diu manfurum esse Docto-
rem Ecclesiae, aetas significat prouectior,
si quis forte miratur, ei me ita excuso, vt dicam,
cum iam A. M D CC XIV. in conuentu Dioe-
ceseos Londinensis insigne Doctorale solenni-
ter mihi traditum fuerit vna cum Diplomate,
me facile impulsu esse, vt in GEORGIAE
AVGVSTAE solenni inauguratione, cuius par-
tem facere oportebat Concionem meam inaugu-
ralem, REGIS iussu habendam, publice re-
nuntiari vellem *S. Theol. Doctor*, primusque
tum creari Doctor Gottingensis. Institi sic ma-
io-

D E D I C A T I O.

iorum meorum vestigiis, quorum merita in orthodoxam Ecclesiam etiam si non assequor, eodem tamen constitutus in gradu, recte, nisi fallor, fecisse iudicabor, quod inuitante tam pulchra occasione, ita publice sum professus in nouo illo literati orbis theatro, me doctrinam nostrae Ecclesiae sedulo propagaturum esse, quoad vixero, tuiturumque. Ac iam dudum hoc mihi demandatum est officium, postquam DEO annuente AVGVSTISSIMO REGI nostro placuit, me & Consistorialibus suis Ecclesiasticisque Consiliariis adiungere, & Antistitem creare aulicae pluriumque sui Electoratus Ecclesiarum. Vobis igitur, VIRI PERILLVSTRIS, MAGNIFICI, SVMME REVERENDI, AMPLISSIMI, Vobis, inquam, fauentibus quin hoc a me factum sit, nullam dubitandi causam nactus, offerendam Vobis consecrandamque duxi *Doctorem* hanc *Dissertationem*: quam more Academico hunc in modum con-

D E D I C A T I O.

scripsi, vt nihil eorum omisisse videar, quae praestare solent, qui *Doctorem* cupiunt adscribi in numerum. Cum igitur Concio mea inauguralis simul haberi queat pro Concione *Licentiat* iniungi solita, praetereaue Orationem habendo publicam Latinam, inque publica Disputatione Antagonistae partes agendo, ceteris Doctoratus competitorum officiis rite fatisferim; hoc vnum superesse videbatur, ut a novo Doctore noua componeretur publicareturque *Theologica Disputatio*. Hunc argumenti non illius quidem noui, sed nonnullis tamen observationibus meis illustrati libellum cum considerem a Vobis exceptum iri beneuolentissime, Vestra ei nomina illustria praefigenda censui, ita simul testatum facturus, quanto Vos cultu prosequar, & quantopere gratulaturus mihi sim, si amorem fauoremque, auctori adhuc prolixissime praestitum, nunc deriuabitis in Doctorale hoc specimen, & benignos Vos ei prae-

bue-

D E D I C A T I O.

bueritis iudices. Iudices sane grauiiores ac sapientiores exoptare mihi non possum, qui doctes Vestras singulares ex tot annorum coniunctione collegiali ita habeo cognitae ac perspectas, vt, diuinitus Vos electos esse, qui rem gubernetis Ecclesiasticam in regionibus his Electoralibus, tam clare intelligam, vt dubitationi locus relinquatur nulli. Tuas quidem virtutes, *Vir Praelustris*, TAPPENI, sacri Collegii *Director* grauissime, ita admiror, ita mecum admirantur omnes, vt Tua pietas, Tua iustitia, Tua prudentia, Tua in agendis rebus dexteritas, Tua denique humanitas, Te facere iudicetur Antistitem sacri iudicii omnibus absolutum numeris. Te, *Summe Reuerendissime*, eruditio Theologica excellens, Historiaeque Ecclesiasticae peritia summa, ac rari exempli virtus, iamdudum ita fecit conspicuum, vt inter lumina Ecclesiae orthodoxae & columnina eminentiorem locum teneas sine

DEDICATIO.

controuerfia. Te, *Generosissime* DE BODE, non affinitas solum testataque multis officiis beneuolentia mihi amabilem, sed Tuum quoque ingenium, ad res strenue ac feliciter peragendas natum, & ad expedienda difficillima quaeque semper paratum, reddidit admirabilem ac venerabilem. Te, *Summe Reuerende* ERYTHROPILE, qui quotidie mihi reddis patrem tuum, cuius summas virtutes summumque erga me amorem nunquam sine tanto dolore, quantum tanta iactura meretur, recordor, Te, inquam, germanissimam Beati genitoris imaginem, ita colo, uti coli fas est virum sui muneris ex omni parte obseruantissimum, & non modo doctrinae, verum etiam oeconomiae Ecclesiasticae cognitione in primis spectatum. Tui vero quam iucunda mihi est recordatio, *Summe Reuerende* KOENIGI! qui duplici *συγγένειας* sacrae vinculo mecum constrictus, fraterna mihi praestare soles siue officia siue beneficia, viriculas-

las.

DEDICATIO.

lasque meas Tuo adminiculo sustentas, ac maximi a me fis ob iunctam eruditioni singularem prudentiam, & non solum theoreti, sed etiam practici iudicii vbertatem. Ac quantus Tu mihi es Apollo, *Amplissime* GRVPI! qui eruditione tum Critica, tum Iuridica dudum nomen adeptus nobilissimum, aliquot iam annis totam Consistorialis Consilarii mensuram imple, nullique labori succumbens Spartam, quam nactus es, ornas fulgentissime. Vobis igitur, *Viri Venerandi, Fautores, Collegae, Fratres*, quovis titulo maiores, Doctoralem hancce meam Dissertationem dicatam sacratamque volo, Vosque etiam atque etiam rogo, vt iustissimum hoc deditissimi Vobis animi declarandi studium ne adspernemi, sed pro generosa Vestrarum mentium indole aequi bonique consulatis. DEVM vero, illum omnis boni fontem, eumque perpetuum ac perennem, supplex adoro, vt Tibi, *Perillustri* nostri Ordinis *Director*, vt Vobis,

DEDICATIO.

bis, *Regii Consistorii Senatores Venerabiles*, vitam largiatur largissimam, viresque adhuc clementissime donatas conseruet, & ad vltimum humanae senectutis terminum producat, atque ita Vestro diutissime vtatur ministerio ad auertenda vel praeuertenda quaeuis Ecclesiae CHRISTI incommoda, & ad eius augendas omnis generis vtilitates. Hanouerae, die XXIV. Ianuar.

MDCCXXXVIII.



LECTORI SALVTEM!

Vt grata plerumque mortalium ingeniis novitas est, ita nec eam ubique carere periculo, vel horum abunde, prob dolor, exemplis constat, qui, novarum gratia coniectationum, facem adferre sanctioribus oraculis sustinuerunt. Quos quidem, caue putes, in eo, me iudice, peccare, quod suis, quam alienis, rem metiri iudiciis malint, nec maiorum se usque adeo addicere placitis, ut, si qua vera visa fuerint, hoc solo nomine, quod nova, vera minus haberent. Faciendum enim, quod in Parallelis FRANCISCUS IVNIUS (a) scripsit: quaecunque sunt vetera, fuisse nova, ac non propterea novitatis nomine vitiosa. Neque illud omnino volumus, ut, in sacrorum interpretatione voluminum, nihil non dictum antiquis adferatur, seu δυνόντα spectes illa, & argumenta nondum ad liquidum satis perducta, suisque exsoluta nodis, quibus ex Historiarum, Antiquitatis, Chronologiae aut Geographiae studiis, & quibuscunque artibus, lux quaedam affundi possit; seu ea etiam, in quibus vel impeditior textus συνάφεια, vel ambigua vocum & phrasium significatio, interpretationem difficiliorum reddit, quo fit, ut praeter voluntatem etiam, quod MALDONATUS (b) ipse accidisse sibi aliquando profitetur, in novam sententiam rationibus maioribus impellamur. Hic sane tantum

)()(

(a) Tom. I. Opp. p. 1005.

(b) In Matth. XIX. 11. Conf. Riuetus
Tom. II. Opp. pag. 741. b.

PRAEFATIO.

rum abest, ut castigationem mereantur, qui novas, sed idoneas, non contortas illas, nec quaesitas magis, quam inuentas, proferunt textuum diuinorum elucidationes, ut gratiae ipsis merito referantur nouitatis inuentae, quae, siquidem veritatis habere gratiam comperta fuerit, non iam nouitas, sed restituta putari antiquitas debet: quum & hic illud usu veniat, antiquissimum quodque verissimum esse, vel, si mauis, verissimum quodque antiquissimum. Quandoquidem vero ipso rerum docemur usu, non intra hos se continere terminos quoscunque, qui nouarum aliquid in scripturas seu observationum seu coniecturarum conferunt: quum, praeter illos, qui fidiculis velut in suos ante conceptos animo errores sanctiora oracula pertrahunt, tot alii, vel solo ducti nouitatis studio, vel ingenii vbertate calentes, vel litterarum atque externae eruditionis adparatu instructiores, vel iudicii, quo pollent, acumini plus iusto tribuentes, conquisitis & in fascem collectis magis, quam expensis meditationisque sedulo nouitatibus, Scepticismum Exegeticum vel imprudentes inferant: tum illud sane religioni maxime noxium & funestum bonis omnibus esse facile iudicabitur, si quando in ea loca inciderit praepostera innouandi libido, dicam, an diligentia? quibus ipsa praecipue continentur morum fideique capita, quibusque adeo sollicitatis fundamentum ipsum fidei, organicum, quod dicimus, concutitur. Ut recte omnino pronuntiauerit Ven. (C) WOLFFIUS, Hamburgensis, rem pessimi exempli esse, periculi item & offensionis plenissimam, si coniecturis utatur

PRAEFATIO.

ptaris in locis eiusmodi nouo sensu induendis, quibus & antiquioris & recentioris memoriae interpretes, communi fere consensu, vsi sunt, ad doctrinas aliquot fidei iis ita superstruendas, ut idonei habiti sint, qui in Libris Symbolicis & Institutionibus Theologicis recte adhibeantur.

Equidem ex horum numero locorum esse illud Davidis oraculum, apparet, cuius hic partem alteram tractare, post celeberrimorum quorumcunque & Theologorum & Philologorum industriam, iam nobis, occasione oblata recenti, visum fuit. Obtulit eam Obseruator Anonymus, noua interpretatione id agens, ut, ἀδίαφθογον omnino corpus Saluatoris optimi, in cruce exstinctum, fuisse, inde certo colligi non posse, demonstraret. Quem quidem virum doctum, quum verbi diuini ministrum nostratem meritissimum, νῦν ἐν ἀγίῳ, fuisse, post absolutam scriptionem edocti simus; quum fidei item ἀναλογίᾳ se tenacissimum professus fuerit; quum scrupulos denique obortos sibi eximi, dubiisque iusta tractatione fieri satis, cupiuerit: absit, ut ei animum fuisse non bonum, aut intentionem novandi in rebus fidei, suspicemur: habuisse nihilominus existimamus, cur a proponendis publice scrupulis, praesertim leuioribus illis, sibi temperaret, nec, quod fieri minime omnium debebat, in sententiam, nouitatis quae fauore blandiebatur, se proniorem, re nondum ad animum reuocata curatius, profiteretur. Quae cum ita sint, & in sensu oraculi nouiter interpretando, simul auctoritas Iesum inde verum esse Messiam demonstrantium Apostolorum verse-

PRAEFATIO.

*tur; opportunitate nobis oblata, voti damnare, solutione dubiorum, dubitatore Anonymum, suscepimus. Quod ita quidem praestandum videbatur, ut PRIMVM verbis diuini vatis eum inesse sensum, quem adhuc Theologi, magno consensu, tribuerunt, argumentis & imprimis vi insita verborum & phrasium, efficere-
tur; DEINDE vero, quae obstare videbantur Anonymo, modestum sub examen reuocata, tanti non esse, constaret, ut noua oraculi interpretatio quaerenda, nedum amplectenda sit. Faxit Deus, hanc operam euenire feliciter, & quam Nostro iam gratulamur adeptam, beatæ αφθαρσίας gloriam, vi meriti Redemptoris αφθάρτης benigne tibi, Lector, tandem nobisque conferat! Amen.*





CAPVT PRIMVM,

COMMVNIOREM, ID EST, VERAM SENTEN-
TIAM DE 'ΑΦΘΑΡΣΙΑΙ CÖRPORIS CHRISTI
OMNIMODA EX FONTIBVS ERVENS.

§. I.

CHRIſTVM IESVM ſine exemplo hominem,
qua corpus etiam, quod ex Maria virgine
verum & naturale quidem, ſupra tamen
naturae vires, aſſumſit, cum plura ar-
guant, & ea praefertim, quae per ἀναμάρτηſίας prae-
rogatiuam inerat, ſumma εὐκραſία, ab eademque pen-
dens immortalis vitae conditio, naturalis illa, qua *mo-
ri* quidem absolute non impoſſibile, (aétu enim mor-
tuum,) ſed *mori* tamen *per naturam*, impoſſibile fuerat:
tum non negligenda in his eiſdem ſanctiſſimi corpo-
ris, poſteaquam libere mortem ſubiſſet, *omnimoda*
'ΑΔΙΑΦΘΟΡΙΑ, qua exanime licet atque ſepultum, ab
omni tamen corruptionis aut putrefactionis noxa im-
mune fuit. Cuius quidem rei per antiquitatem om-
nem, ſeu ſacra, ſeu profana in memoriam reuocaue-
ris *ἱſορρέμενα*, exemplum fruſtra quaefueris.



Henochum certe atque *Eliam* credimus, vt mortis lege, sic corruptionis, quae morituros omnes manet, peculiari prorsus exemptos consilio diuino, Gen. V. 24. Hebr. XI. 5. 2. Reg. VI. 7. Et, quam superstites pantocritica die, Paulo teste, sunt experturi ἀλλαγὴν μυστηρίῳ 1. Cor. XV. 51. eam vt corruptionis, quae partium dissolutio est, aliquid habituram ἀνάλογον suspicemur, adhuc equidem ratio nulla est. Dissipientem licet non ignoremus *Abrab. Calouium* Bibl. illustr. ad Matth. XVII. 3. ne illos commemoremus, quibus & in hac mutatione mortem interuenturam, verosimilius videbatur, Deo per virtutem suam extinguente, & vicissim statim excitante, quos, vt ἀνάλογον simul corruptionis statuuisse, non constet, nec negata, quam post alios *Io. Achat. Colerus* obijcit (Disp. de diuina dispensatione circa legem omnibus hominibus latam §. XII.) omnium κοίμησις, satis videtur refellere: ita nolim pro sententia sua adstruenda ad assertum sanctissimo seruatori ἀφθαρσίας priuilegium eos confugere, quod *patrum maximam* fecisse *turbam*, *Gennadius* auctor est, libro de ecclesiasticis dogmatibus (qui in Tertulliani olim, nunc Augustini circumfertur operibus) Cap. VII. Attamen solus ille, qui ex immundis mundus solus, scelerisque purus natus, liberator IESVS est, qui *nec mortem omnem* subuectione in *coelum anteuertit*, nec mortis saltem quoddam ἀνάλογον, sed *veram mortem subiit*, qua ἀφῆκε τὸ πνεῦμα Matth. XXVI. 50. ἐξέπνευσε Marc. XV. 37. Luc. XXIII. 46. παρέδωκε τὸ πνεῦμα Ioh. XIX. 30. cessantibus nimirum a functionibus suis, organis in vniuersum omnibus, *sepultus* insuper, atque in sepulcro, ne de veritate rei dubitandi locus superesset, *ad tertiam usque lucem commoratus*, nihilominus a corruptione omni aut alteratione, quae putrefactionis rationem habere pos-

possit, sanctissimum corpus suum immune, virtute
 diuina, praestitit. Solus inquam, & unus, seruator
 IESVS est, hoc etiam insignis prae fratribus omnibus
 priuilegio. Nec enim fabula nos mouet Iudaica, in-
 genio digna auctorum, de septem sanctis, quibus ver-
 mis non fuerit dominatus, in lib. Ialkut memoria pro-
 dita. Cui aliam de cadauere R. Ahay addunt, de qua
Menasse Lib. II. de resurr. c. 17. & *Io. Hornbeckius* Con-
 trou. Iud. Lib. III. cap. II. p. 250. Nec moratur *Hugo*
Grotius, eumque secutus *Simon Episcopus*, corpus e-
 tiam *Mosis*, quod sepultum, contra expressam literam
 Deut. XXXIV. 6. negare forte non ausi (quamuis ne-
 gantem *Iosephum* sine censura *Grotius* dimittat,) asser-
 uatum tamen a putredine atque custoditum angelorum
 ministerio, sine teste, sumentes, quibus *Calouius* d. l.
 & *Gottfridus Olearius* Obseru. ad Matth. pag. 485. fecere
 satis. Sanctorum etiam, quos papaea veneratur super-
 stitio, corpora incorrupta credita, vt suo loco relin-
 quamus, neque vel in recensendis, vel diiudicandis
 aliorum, quorum cadauera innoxia reperta, exemplis,
 seu piorum, seu impiorum, principum, aut de plebe
 virorum, cuiuscunque sectae aut religionis fuerint, o-
 peram collocemus, otia nobis *Chr. Frid. Garmannus*
 fecit Lib. III. de miraculis mortuorum tit. II. §. 10. seqq.
 p. 948. seqq. & is iure meritoque sanctissimo corpori IE-
 SV omnimodae ἀφθαρσίας praerogatiuam vindicans,
 §. 3. seqq. de ceterisque omnibus generatim pronun-
 tians §. 8. p. 947: *Quod si ad tempus durat, perpetuo vix*
duraturum credo cadauer. Et ista ἀφθαρσία corruptio-
nem habet comitem, dum cadauer exsiccatur sudore, ma-
dore & situ diffluit, atque ita tandem marcescit, colorem
atrum adsciscit, adeoque multum de pristina figura deper-
dit, & nisi ab ista eluie purgetur, a putredine subigitur.
Quicquid dicant, nullum cadauer est, quod perfecte ἀ-

Φθαρτον & de putredine vere triumphat. Merebatur hinc ista sanctissimi corporis ἀφθαρσία inter ea locum, quae *Christum sine exemplo hominem*, Dissertatione Academica e Lutheri cathedra an. M D CC VI. sub moderamine b. *Wernsdorffii* habita, propositurus, §. XVIII. XIX. de corpore etiam singularia doctissimus auctor commemorabat.

§ II.

Eam vero servatoris optimi, quem per omnia, naturae quidem assumtae propria, fratribus ὁμοιωθῆναι, Paulo teste decebat, prae fratribus tamen post mortem praerogativam insignem fuisse, ut, nisi divina auctoritate, credi, rationibusque inuictis, haud par erat: sic testem omni exceptione maiorem, **DAVIDEM**, non theologi demum, nostra qui vixerunt aut proavorum aetate, sed eodem Spiritu ducti *Petrus* atque *Paulus* Apostoli, ipsis sub ecclesiae Iesu initiis, adpellarunt, **IESVM NAZARENVM** verum, a prophetis praedictum, **MESSIAM** esse, ex eiusdem gloriosa resurrectione comprobaturi.

En verba Davidis, e suis repetita fontibus Psalm. XVI. v. 10. eiusdemque praesertim hemistichio posteriori:
 לא תתן חסידך לראות שחת: Et versionem accipe apostolicam, cui cum ista LXX. seniorum ex asse convenit, Act. II. 27: ἃ δὲ δώσεις τὸν ὁσιόν σου ἰδεῖν διαφθοράν. Et Cap. XIII. 35: οὐ δώσεις τὸν ὁσιόν σου ἰδεῖν διαφθοράν. Atque ista quidem ab utroque Christi legato, ad Christi resurrectionem a diuino vate praedictam, referri, res ipsa loquitur, nec monitore opus est. Verum enimue-
 ro,

ro neque per accommodationem tantum, aut occul-
 ti cuiusdam sensus inuestigationem, ita referri, vt sta-
 tuamus, sanior hermeneutica permittit, vim verbis
 fieri prohibens scriptoris cuiuscunque, nedum sacri.
 Quem tamen hic errorem viri magni atque eruditi er-
 rarunt. At nobis hic diserte Apostolus Petrus auctor
 est, εἰς αὐτὸν *in Iesum ipsum velut digito extenso*, Dau-
 idem locutum esse, vel si mauis *intuentem* in ipsum, aut
 ad ipsum *respicientem*. Nam ita suum εἰς αὐτὸν *mox*
 παραφράζει v. 29. 30: προφήτης ἐν ὑπάρχων καὶ εἰδὼς κ. λ.
 ΠΡΟΪΔΩΝ ἐλάλησε ΠΕΡΙ τῆς ἀναστάσεως τοῦ Χριστοῦ.
 Recte igitur illud εἰς pro περὶ adhibitum dicitur, quod
 & Græcis scriptoribus aliis in more positum esse viri
 eruditi probarunt: nec sine emphasi tamen adhibitum,
 verum ita, vt nobis regium vatem προιδόντα *ante intuen-*
tem in Christum eiusque resurrectionem, sistat, & Pro-
 phetarum more, quae praeuiderat, *de illo*, certe ve-
 lut euentura, praenuntiaret. Vnde porro illud εἰς αὐτὸν,
 quum in prima persona, tanquam de se ipso Psaltes lo-
 quatur, b. Rambachio videbatur, Dauidem *in illum qua-*
si transformatum, eiusque personam repraesentantem no-
 tare, Instit. herm. lib. II. cap. II. not. ad §. V. pag. III.
 id quod tamen, in re ipsa potius, quam vi φράσεως la-
 tere, parallelismus Eph. V. 32. ne de profanis dicam,
 docere potest. Tum vero istud praesertim viros do-
 ctos, ne de remotiore ad Christum respectu aut arbi-
 traria accommodatione cogitarent, abstertere debebat,
 quod apostolos deprehendamus illud ipsum pro verita-
 te euangelica quam fortissime vrgentes, & occidisse
 Dauidem & corruptionem sensisse, alium igitur esse, de
 quo dixerit, non permissum iri ἰδεῖν διαφθοράν. Haec
 summa orationis Petrinae Cap. II. v. 29. 30. 31. 32. atque
 idem Paulus breuius inculcat Act. XIII. v. 36. 37. Quae
 sa-

sane sunt eiusmodi, vt frigidus hic, si vnquam alibi, in ornanda allegatione apostolica, euaserit magnus ille *Hugo Grotius*, quem suo merito b. *Calouius* castigauit *Bibl. illustr.* ad *Psalm. XVI.* v. 2. & 10. & meruerit Grotianam sententiam amplexus *Rich. Simonius* censuram *I. Henr. Maii* in *Exam. hist. crit. N. T. Simonii* Cap. XXII. p. 302. neque hic, eadem licet chorda oberrans, quidquam medelae attulerit *Io. Clericus*, cui dixisse satis erat: *Non sunt ita haec capienda, quasi Petrus velit, Psalten de se ipso noluisse loqui* &c. notis ad *Hammondum* *Act. II.* 31. Quibus tamen in paraphrasi psalmorum album nihilo secius calculum adiecit *Renatus Andreas Cortum*, notatus *Franc. Wokenio* *Harmon. V. & N. T. Part. I.* p. 288. Viderint autem, quibus ista placent, num in Apostolorum auctoritatem iniurium non sit, quae isti de Dauide vera esse palam inficiantur, atque hinc in alium *ἐκ καρπὸν τῆς ὁσφύος αὐτοῦ* excitandum ab eodem omnino dicta fuisse, ex euentu ipso comprobant, ea nihilominus & de Dauide vera esse, nec in Christum ex intentione loquentis primum dicta fuisse, profiteri, hoc est, rem, cui religionis Christianae veritas omnis innititur, resurrectionem Christi, ficulneo, & tali eos superstruxisse argumento, sibi persuadere, quod auditorum cuius, vel leviter rerum gnaro, hoc uno velut difflare halitu integrum fuerat: esse haec in Davidis persona suum complementum affecuta, neque opus quidquam in hoc loco de Messia, nedum eius ex mortuorum statu suscitatione, cogitare. Vidit, ni fallor, rectiora *Philippus Limborchius*, non omnino tamen sensum primum, at imperfectum admodum de Dauide, vt typo Christi, abiicere ausus. Nam is, post allegata Davidis verba, quibus praecipue resurrectionem Christi praedictam scripserat, haec addit: *Quae verba sensu PRIMO & IMPERFECTE ADMODUM Davidem respiciunt, vt TYPVM Christi, quatenus Deus ipsum*
ab



*ab insidiis ac violentia Saulis liberauit, atque ita ALI-
QVATENVS dici potest non esse relictus, scil. ne occidere-
tur, & in sepulchro corruptionem subiret. Attamen re-
cte Apostolus Petrus Act. II. 25. & Paulus Cap. XIII. 36. 37.
contra Iudaeos probat, ea in Davide non esse impleta, hoc
est, PERFECTVM SVVM COMPLEMENTVM, iuxta GE-
NVINAM ac propriam verborum significationem, ultimam-
que DEI INTENTIONEM, non habuisse. Verba enim
haec, si propriè, prout sonant, accipiantur, praedicunt,
eum, de quo enuntiata sunt, in sepulchro non corrumpendum.
Atqui hoc in Davidem non quadrat: - - Ergo sequitur,
hic praedici resurrectionem mortui, ex morte, & quidem,
antequam caro corruptionem videret, suscitati. Id vero
impletum est in Domino Iesu &c. Theol. Christ. Lib. III.
Cap. XXVII. §. XXXIX. p. m. 295. Quae quidem heic,
paucis monuisse suffecerit, non alium in finem, quam
vt vindicata literalis oraculi Davidici de Christo solo in-
terpretatione, recte etiam pro ἀφθαρσία sanctissimae
carnis Iesu indidem adstruenda, τὸ ἐντὸν cum Apo-
stolis urgeri, intelligatur. Neque enim nunc vel in hanc
fatis tritam tot viris summis arenam animus est descen-
dere, vel cum recutitis etiam conflictari, praesertim re-
centioribus, quibus refutandis instar omnium esse pos-
sunt Io. Frischmuthus, Brand. Henricus Gebhardi, ac
Nicol. Koeppenius, hic, in Commentatione Anti-rabbi-
nica in Ps. XVI. de Messia ex morte rediuiuo, Gryphisw.
1728. edita; iste, in Exercitatione Anti-rabbinica
ibidem an. 1719. in lucem emissa; ille in Dissert. de Mes-
sia in sepulchro non relinquendo ad Ps. XVI. 10. Ienae
1660. habita, quae recusa in Thesauro Theol. Philol.
V. T. fol. 604. sqq. Nec praetereundus ven. Ion. Contr.
Schrammius, Helmstad. Theologus, Dissert. de optato mu-
neris Christi exitu ad Ps. XVI. fere ante hos decem an-
nos habita §§. I. II. III. IV.*

§. III.

Atque istis quidem tum veteris, tum noui foederis oraculis, quibus simul sui interpretem, cui refragari nefas, sanctissimus Spiritus agere voluit, quum corpus Seruatoris, supplicio crucis extinctum, vitae restitutum iri, nec, sepultum licet, quae communis ceteroquin corporum inhumatorum fors est, in cineres redigendum esse, doceri, nemo orthodoxus dubitet: De eo tamen recens scrupulos mouit vir quidam doctus, qui nomen adhuc suum nos ignorare voluit: *an satis tuto ab omni etiam corruptionis aut putrefactionis initio illud immune fuisse, inde probari ac pro certo adfirmari possit?* Cui, quid respondendum sit, nunc age, auspiciis supremi omnis vitae veritatisque auctoris, paullo curatius dispiciamus.

Quem innuimus auctor est obseruationis eruditae, collectioni animaduersionum varii generis, quam b. Io. Chr. Colerus ann. M DCC XXXIV. edere instituit Part. IV. N. XI. p. 553. seqq. insertae sub tit. **Eines Ungenannten bescheidene Vorstellung einiger Zweifel bey der gemeinen Lehre von der gänzlichen Unverweslichkeit des Leibes und Blutes Christi nach seinem Tode.** Atque is, propositis, quae communio premere sententiam videbantur, difficultatibus, tandem p. 558. 559. his verbis, quae eruditorum iudicio permittit, nouam declarat sibi natam hypothesin: Ich bin daher auf diese Meynung gerathen: „Christi Leib und Blut habe die Verwesung nicht gesehen wie andere Menschen, daß er angefangen zu stincken, von Würmern gefressen, in atomos verwandelt worden. Denn alles dieses ließ die Kürze der Zeit „von ehlichen 30. Stunden nicht zu. Wie wir aber statuiren, „daß



„daß diejenigen, welche den jüngsten Tag erleben, analogon aliquid mortis leiden müssen, so könne und müsse man auch, wenn anders analogia fidei bestehen soll, sagen, daß der Herr Christus analogon aliquid corruptionis gelitten habe. Er habe die Verwesung nicht gesehen finaliter, also daß er in der Verwesung geblieben., In quam inquiri opinionem & subortos eximi scrupulos quum postulauerit auctor, nec iniquum, nec immodeste petiit, vt repulsam ferre non meruerit, praesertim de analogia fidei seruanda sollicitus, quam non aequae curae cordique esse deprehenderis omnibus, in coniecturas circa textus sacros pronis. Cui si hac opera gratum fecerimus, & nobis gratum fuerit. Forte & accuratiori industria singula ad viuum ressecandi aliis occasionem supeditabimus, quum per negotiorum concatenatam varietatem nobis equidem non liceat esse prolixioribus. Simul vero de sententia alius viri eruditi arbitrium ferendum foret, modo, quid ista sibi velint, de sanctissimo corpore Iesu scripta: Welcher zwar, dem ewigen Rathschluß Gottes nach, unverweßlich, aber eben so gut, als zu den aller kleinsten und untheilbarsten Sonnen-Staubgen vermodert, war, sine interprete intelligeremus. vid. Hamburgische Berichte von gelehrten Sachen an. 1736. pag. 298. in recensione Programmatiss huius Academiae Paschalis, *certitudinem perennis hominum vitae, morte corporis non obstante, per experimentum resurrectionis Domini & capitis nostri I.C. inuicte confirmatam*, erudite sistentis. Ceterum praelusisse nouae opinioni Dan. Heinsium, Thomamque Bartholinum dixeris, his, quae de vocabuli διαφθορά significatu, ex ingenio magis quam rei veritate, monuerunt, mox ad §. V. nobis commemorandis.

§. IV.

Vt ea vero, quae praesentem haud attingunt controuersiam, operosius ne persequamur, neque in Philologorum campos, vocabulorum & phrasium rationem omnem enarrando, latius, quam pro necessitate, diffundamur: *duo* sunt, in quae praecipue cogitando animum intensum defixumque habere conuenit. *Alterum*, vt, quid rei sit illa diuinissimi corporis ἀδιαφοροῦσα ex intentione Spiritus sancti, & vi vocum שחית לראות ἰδεῖν διαφορᾶν, disquiramus. *Alterum*, vt, quae diuinae οἰκονομίας, consiliique in hoc negotio versantis ratio sit, per negatam διαφορᾶς permissionem, in personae τῆς ἑστῆς dignitate fundatam, qua pote, vestigemus.

Habent, si qui philologica desiderent, aut accuratorem singularum vocum tractationem, unde sitim restinguere possint, si vel commentatores adeant in Psalmorum librum quoscunque, recentiores praesertim, *Geierum*, *Tillium*, *Michaelis*, ceteros, vel laudatos in hunc textum lucubrationum Academicarum auctores, *Frischmuthum*, *Gebhardi*, *Schrammii*, *Koeppenium*, quibus & quos inspicere nobis non licuit, iungendi, *Ruardus Andala*, Exegesi totius Psalmi XVI. Franequerae 1716. edita, & *Petrus Rhebinder* Exercitatione in eundem philologica, Regiomonti 1636. publici iuris facta: nec non b. *Sal. Glassius* in Selectis scripturae Dauidicae, *Seb. Schmidius* Psalm. Dav. de Christo append. *Tarnouius* in Psalm. passional.

V.

Quod ad primum igitur attinet propositae tractationis momentum, vt, quo sensu hic negetur Sospitator mundi experturus corruptionem, constare possit,

fit, de significatione vocis תהש quæstio occurrit, nec illa nos habitura multum sollicitos. Siquidem, interprete auctore ipso, cui & Dauides, &, qui eum laudant, primipili euangelii doctores & res & verba debebant, Spiritu sancto, nobis hic διαφθορὰν vox hebraea denotare debuit, quod vocabulum graecum, & origine & vsu satis notum, subtilius quam verius nonnulli hic a simplici φθορὰ & composito altero κατὰ φθορὰ sensu diuersum esse contendunt, quum *corruptionem* generatim significet, qua res definit esse, quod ante fuit, speciatim vero in oratione vtraque apostolica destructionem corporis exanimi, qua paullatim illud resoluitur in cineres. Quam eandem significationem hebraeo תהש, quidquid contra recutiti moliantur, & vsus, & deriuatio, & cum his ipsa, quam urgent, *fouee* notatio comprobat.

Διαφθορὰν *corruptionem generatim* significare, ἀπὸ τῆς διαφθείρειν deriuatio euincit, cuius vsum verbi loca Luc. XII. 33. 2. Cor. IV. 16. 1. Tim. VI. 5. Apoc. IIX. 9. & XI. 18. varium edocebunt. Et oppositum vocabulum, ἀδιαφθορίαν Paulus Tit. II. 7. de doctrinae *integritate* seruanda adhibuit. At hic eam *speciatim*, quae emortuorum corporum destructio esse solet, *partium dissolutionem*, notari, quando putredinem contrahunt, exeduntur a vermibus, in cineres rediguntur, nexus orationis, qui subiectum negatae διαφθορᾶς corpus Christi exanimum atque sepultum constituit, dubitari non permittit. Quorum illa etiam faciunt, de Dauidis corpore sepulto, eodemque τῇ διαφθορᾷ obnoxio, & monumento sepulcrali, Apostolorum tempore adhuc superstiti. Act. II. 29. XIII. 36. Iam eundem simplicis

B 3

quo-

quoque vocabuli $\phi\theta\omicron\gamma\acute{\alpha}$ significatum esse, frequenti, vel sacrorum saltem scriptorum, usu constat: quos inter corporis animo cassi dissolutionem speciatim $\phi\theta\omicron\gamma\acute{\alpha}\nu$ Paulus appellat 1. Cor. XV. 42. 50. & $\phi\theta\alpha\rho\acute{\iota}\omicron\nu$ corpus hominis corruptioni obnoxium, ibidem v. 53. 54. hominemque ipsum eodem sensu Rom. I. 23. quibus $\acute{\alpha}\phi\theta\alpha\rho\acute{\iota}\omicron\nu$ & $\acute{\alpha}\phi\theta\alpha\rho\acute{\iota}\alpha\nu$ opponit, iisdem locis & 1. Cor. XV. 52. 1. Tim. I. 17. vnde $\acute{\alpha}\nu\acute{\alpha}\sigma\alpha\sigma\iota\nu$ Graeci definiunt $\acute{\epsilon}\gamma\epsilon\rho\sigma\iota\nu \acute{\epsilon}\kappa \phi\theta\omicron\gamma\acute{\alpha}\varsigma \pi\rho\acute{\omicron}\varsigma \acute{\alpha}\phi\theta\alpha\rho\acute{\iota}\alpha\nu$, indice *Alstedio* Lexic. Theol. Cap. XIX. art. 1. Neque vero negauerim, in his praeter corruptionis aut incorruptibilitatis significationem, mortis etiam aut immortalitatis interdum notationem simul contineri. Id tamen perpetuum non esse, ex 1. Cor. XV. 53. 54. manifestum, vbi $\tau\omicron \theta\nu\eta\acute{\iota}\omicron\nu$ cum opposita $\acute{\alpha}\theta\alpha\nu\alpha\sigma\acute{\iota}\alpha$ figillatim commemoratur. Non admittenda igitur *Heinsiana* a *Bartholino* recepta subtilitas, auctorum, quod fieri tamen debebat, usu non comprobata, qua $\phi\theta\omicron\rho\acute{\alpha}\nu$ faciunt solutionem animi & corporis, quam partium & humorum resolutio sequatur; $\delta\iota\alpha\phi\theta\omicron\rho\acute{\alpha}\nu$, quum corpus sic consumitur, vt sola ossa remaneant; & $\kappa\alpha\tau\alpha\phi\theta\omicron\rho\acute{\alpha}\nu$, quum ea quoque dissoluuntur. Et ex his primam speciem Christum fuisse expertum, adstruitur, id quod, si rem spectes, facile etiam se probauerit nostro auctori. Conf. *Io. Andr. Quenstedt* Disp. de vulneribus Christi cap. II. quaest. 3. §. 8. Equidem iam olim *Io. Damascenus* monuit (disceptatae inter veteres controuersiae: *an Corpus Christi nulla ratione senserit corruptionem?* neruum incisurus) aliam esse corruptionem, quae fiat *per separationem formae viuentis*, quae concedenda sit de corpore Christi; aliam *per resolutionem in cineres seu in elementa*, $\delta\iota\acute{\alpha}\lambda\nu\sigma\iota\nu \kappa\alpha\iota \acute{\alpha}\phi\alpha\nu\iota\sigma\mu\omicron\nu$, quae neganda sit, annotante *Er. Brochmundo* Syst. Theol.

Tom. I. art. XVI. cap. I. Sect. XIII. At is nihil de partium & humorum resolutione separationi formae viuentis in Christi corpore concedendae addit, quamuis & hanc *corruptionis* vocabulo tutius sit non appellare. Sed nunc illud ipsum graecum vocabulum διαφθορά Hebraeo תהש declarando perperam adhiberi, cum *foueam* hoc quidem, non *corruptionem* significet, haud veritus est conuitiari R. *Isaac ben Abraham* pestilentissimo libro *Chissuk Emunah* inscripto. Cuius audaciam retuderunt *Iacobus Goussetus* Confutatione istius libri p. 423. & *Brand. Henr. Gebhardi* in Vindiciis centum locorum N. T. adversus eundem, loc. LXIX. pag. 185. seqq. Quorum ille, tum exemplis, tum ex radice תהש corruptionem quoque תהש dici euincit; hic eandem voci notionem, saltem in loco Psalm. XCIV. 13. ab ipso *Aben Esra* vindicatam, monet, ac praeterea, neque in nostro loco alium obtinere posse significatum, ex contextu vrget; postremo ad consensum quoque Iudaeorum, veterum aequae ac recentiorum, prouocans. Et sane, quum non hoc tantum loco, sed pluribus, septuaginta seniorum versio ὁ תהש per suum διαφθορά expref-ferit, quae loca commemorat *Hugo Grotius* ad h. l. sensuque parum vel nihil diuerso per θάνατον Iob. XVII. 14. & eandem vim φράσεως R. *David Kimchi* & R. *Isaac* agnouerint, de quibus monuit *Abr. Calouius* Bibl. illustr. h. l. neque aliter versio recentior R. *Iosel Wizenhausen*, cuius editionem geminam *Iob. Athiae* debemus, Iudaeo-Germanica: Du solst nit überantworten deine Bieder-Leut **die Verderbung** zu sehen; cui & Psalm. LV. 24. תהש תהש non puteus foueae est, sed fouea corruptionis, die Grub der Verderbniß; nec de significatu radicis תהש, quam per simplex etiam φθείρειν, atque huic similia, ὀλοθρεύειν, ἀπολλύναι &c. Graeci interpretes efferre solent, dubium cuiquam esse possit; Tum facile adpa-
ret,

ret, nonnisi in angustias redactos mortalium miserrimos hoc de effugio coepisse cogitare. Quod diximus autem, ipsam *foucae* notationem id, quod volumus, simul comprobare, illud in eo situm est, quod nec *foueam* simpliciter, sed *ad interitum, perditionem, διαφθορὰν*, comparatam, q. d. *foueam corruptiuam*, aut *corruptionis locum*, שחת appellari, & vsus, & vocis etymon inferunt. Vsum inductione locorum praesertim Iob. XVII. 14. XXXIII. 22. 28. Psalm. XLIX. 10. aduersus R. Lusitanum disputans, Io. Müllerus probat, Iudaism. detect. Cap. XXII. p. 912. Verum & etymon, constructione טָחַת שחת, *foueam* significantis, cum verbo masculini generis Psalm. XCIV. 13. declaratur, quae ת radicale esse, neque adeo a שחת vel שח vel שח, sed a שחת, etiam quando *foueam* significat, deriuari, commonstrat. Neque eam vim vocis ignorabat, quam modo citauimus, translationis Iudaeo-Germanicae compiler, vertens, & iam indicato loco Psalm. XCIV. & Ps. CIII. 4. non *foueam* simpliciter, sed *corruptiuam*, eine verderbliche Grub, manifesto deriuationis ex radice שחת indicio. Quae quidem nunc ἐξ ἐπιμέλειας velut, monuisse suffecerit. De Morino, textum a Iudaeis corruptum suspicante, & Sim. Muisio, seruata *foucae* notione, in nostro etiam loco, *triduum*, quo Christus in sepulcro moratus, *pro tempore nullo* censi, putante, ne quid addamus, de quibus Frischmuthus monuit cap. I. §. XXIII. & XXIV.

§. VI.

At nunc φράσιν potius integram שחת לראות & quae eidem in Graeca veritate respondet ἰδεῖν διαφθορὰν, meditari conuenit. Quod dum agimus, illud primum tamquam dubio carens omni supponimus, tam Hebrae-

braeum ראה, quam graecum ἰδεῖν, hoc loco, vt alias saepius, in vtriusque foederis tabulis, pro *sentire* aut *experiri* generatim, aut, si malueris, *uti fruiue*, immo potius *perpeti*, aut quocunque modo *subire* positum esse. Vt לראות שחת idem quod השחת corrumpi, destrui, dissolui, ἰδεῖν διαφθερῶν idem quod διαφθεῖσθαι significet.

Res notissima sacrae scripturae interpretibus, & vbiuis obuia ראה *visum* proprie denotans, per synecdochen metaphoramque ad sensum generatim aut experientiam transferri. Qua de re, praeter *Flacium* & *Glassium*, memini me quaedam adnotata legere cel. *Rusio* Disp. II. de somno pistorum praefecti §. IV. pag. 10. Iuuat de malorum perpeffione speciatim adhibitum notare Ierem. V. 12. יבא חם ילא ירא כי & Cap. XVII. 8. נראה וחרב ורעב לא iterumque Cap. XLII. 14. אשר לא נראה מלחמה *Videre gladium, aestum, bellum*, in his haud dubie est experiri, consentientibus omnibus, nisi quod illud ירא Ierem. XVII. 8. Alexandrinis interpretibus ex ירא *timuit*, deriuatum visum fuerit. Graecum ἰδεῖν, eidemque synonyma ὀπτεσθαι & θεωρεῖν Jerem. V. 12. XLII. 14. Luc. II. 26. Io. III. 3. IIX. 51. Apoc. XII. 7. parili sensu adhibita, hebraismum sapere, plerisque visum est viris eruditis. In quam causam quae contra *Seb. Pfochenium* disputata sunt *Vorstio*, *Mosi Solano*, atque *Thomae Gatakero*, locis a Ven. *Wolffio* *Curis Philol. Crit.* ad Luc. II. 26. & Io. III. 3. allegatis, nolim nunc tangere. Sunt tamen, qui ex profanis huc denuo quaedam attulere, *Iac. Elsnerus* *Obseru. sacr.* ad Luc. II. 26. *Frid. Adolph. Lampe* *Commentar.* ad Io. III. 3. *Christ. Sigism. Georgius* de hebraismis, nec non *Io. Conr. Schwarz* *Commentar. Crit. & Philol. linguae Graecae* N. F. diuini pag.



410. seq. Disquirant ista, per nos, & discutiant sollicitius, quorum illud interest. Nobis illi suas recte rationes iniisse nunquam visi sunt, qui hebraismi vitiosi nomine accusant, quidquid vel ad genium linguae primaeuae conuenienter dictum, vel in nullis veterum Graecorum aut Romanorum monumentis a se hactenus deprehensum fuerit. Neque nostro quidem iudicio, si quae e poetarum libris adferuntur, repudianda hoc solo nomine, aut in prosaicae orationis naevis connumeranda sunt, nisi simul & poetis propria, & extra carmen praeter rem & consilium adhibita fuisse, probatum fuerit. Conf. sis *Ant. Blackwalli* Crit. sacr. Tom. I. Part. I. Cap. I. cum monitis ad eundem nuperi interpretis, reu. *Christoph. Wollii* pag. 6. sqq. Quidquid tamen eius sit, nobis hic de sensu potius quam puritate sacrae elocutionis sollicitis, illud fuerit satis, Apostolum vtrumque, versionem τῶν ὁ secutum, per suum ἰδεῖν διαφθοράν Hebraeum לראות שרה ad verbum exprimentem, non aliam, quam, quae per has voces hebraeas nobis offertur, animo concepisse ideam, tum vero, nomine שרה per eorundem sanctorum duumvirum auctoritatem, significatione διαφθοράς, corruptionis, adhibito, non posse verbum, quocum construitur לראות, alia, quam generali *experiundi*, *patiendi*, *subeundiue*, notatione positum iudicari. In qua phrasi tamen, praeter metaphoram visus ad experientiam aut sensationem quamcunque translatis, simul illud adnotari καταχρησικὸν meretur, quod oculorum vsus enecato corpori tribui videatur, cui illud simile, quando *videre somnum* dormientes dicuntur, quum somnus visionis actum demat: prout ista de catachresi monuit *Salomo Glassius* Rhetor. sacr. lib. V. tr. I. cap. XII. pag. 1809.

§. VII.

Iam igitur, se *visurum* תהו negans SANCTVS IEHOVAE, corruptionis semet aut putrefactionis, quae corporum extinctorum destructio est, fore *expertem* significat. Atque illud in sanctissimo corpore IESV euenisse, Apostoli confirmant, dum sepultum licet illud, tamen μὴ ἰδεῖν διαφθορὰν praedicant. Vtrinque vero, quando restrictionis nihil a Spiritu sancto additum, nec boni fuerit interpretis, vim vocum, restrictione de suo facta, imminuere, nisi forte, quae eidem limites poni vrgeant, rationes meridiano sole clariores, eaeque sat graues, adduci possint. Vnde efficitur, quoad aperta demonstratione & argumentorum ponderibus contrarium euictum non fuerit, *sensu corruptionis* indefinite negato, corruptionem *omnem*, saltem quae defunctorum corporum esse potest, atque adeo eius etiam *initium*, negatum censerī debere.

Quod Philosophos inter Io. Claubergius monuit Oper. Philos. p. 853. *ne verba alicuius orationis facile restringantur, si latiore eius significationem profunda auctoris sapientia concedat, nec aliae interpretandi leges abnuant*: illud in sacrorum librorum interpretatione vel maxime observari debere, vix interpretum quisquam melioris notae est, qui dubitet. Hinc illa sacrae praesertim exegeseos praecepta nullibi non obuia: Terminos atque propositiones scripturae sacrae ea omnia actu significare, quae in suo nexu possunt significare; Vela sensui diuinorum scriptorum laxanda esse, quousque Spiritus sanctus non restringit; Tantam unicuique scripturae loco tribuendam esse amplitudinem atque emphasin quanta potest, ne sine ratione scripturae vim imminua-

mus &c. Consule sis *Io. Iac. Rambachii* Instit. hermen. lib. II. cap. VII. §. XVI. p. 293. seq. & *M. Hartm. Bamba-
mii* Apparat. Enthymematico-Exeget. part. I. p. 35. seqq. Sect. I. cap. I. reg. XX. quosque illi laudant *Dannhaue-
ros, Schmidios, Pfeifferos, Reinhardos*, & fere quot-
quot de exegeſi ſacra praeceperunt. Abuſum nunc e-
quidem non moramur Cocceianorum, moniti ad rei
naturam, ſcopum & nexum orationis, & quae circum-
ſtant, ſimul reſpicere, vt, quid *per illa* ſignificare bi-
blica vox aut phraſis poſſit, iſtud demum actu ſignifica-
re exiſtimetur. Conf. *Rambach*. d.l. & lib. I. cap. III. §.
IV. p. 57. nec non *Io. Georg. zur Linden* Rat. meditat.
hermen. cap. III. ſect. II. §. 722. pag. 302. Quibus obſer-
uatis patebit, abuſum, non uſum regulae ferire, quae in
eandem monita ſunt cel. *Iac. Infantio* Introduct. in N. T.
verſioni eiusdem Gallicae praemiſſa, p. 67. translatio-
nis German. 1730. ſeparatim editae. Vt negamus
igitur, per hanc regulam voce שרת h. l. vel fo-
ueam vel corruptionem aliam, quam quae defuncto-
rum corporum eſſe poteſt aut ſolet, intelligi debere,
quum foueae notationem nec veritas hſtoriae nec in-
terpretatio apoſtolica admittat, & ad corpus Chriſti
iam crucis ſupplicio exſtinctum conditumque ſepulcro
orationis nexus omnis reſpicere iubeat, ne forte in an-
tiquatas Phtartolatrarum, quos vocabant, & Aphtharto-
docitarum lites incidamus: ita viciffim peccatur in re-
gulam, vim phraſis & emphafiſ imminuendo, niſi aut
corruptionis etiam initium a corpore Meſſiae abſutu-
rum indicari exiſtimemus, aut non abſuiſſe, neque per
hoc oraculum abeſſe debuiſſe, inuictis rationibus de-
monſtratum fuerit. Num vero ſint eiſmodi, quae
monitor anonymus erudite in medium protulit, no-
ſtrum erit, parte huius ſcriptionis altera iudicium ferre.

§. IIX.

Tum vero & emphasis in phrasi sacra non praetermittenda est, qua plus est, *nec vidisse corruptionem*, quam quod simpliciter *non corrumpi* dicitur. Longius enim, vel hoc ipso, quidquid cogitari posset in exanimo corpore mutationis destructivae, a subiecto sermonis Daudici remoueri, ni fallor, manifestum est. Ut iam nihil dicamus de tropo vim orationi cuique maiorem conciliante, non temere in superfluis habendam sacrorum interpreti.

Quod si verum etenim Io. Clericus scripsit, Art. Crit. part. II. sect. I. cap. XVI. p. 322. *ad mouendos audientium & legentium adfectus inuenta est non tropica modo, sed & figurata oratio, ut notio aut viuidior aut elegantior, aut amplior in illorum mente excitetur*: tum in stili praesertim sacri elocutionibus impropriis, figuratisue, non ornatus solum, sed & euidetiae atque significatus (ceteris paribus) amplioris, ratio habenda est. Εμφατικώτερον, igitur, quod per metaphoram dicitur *ιδεῖν διαφθοράν* quam simplex *διαφθεῖσθαι*: quemadmodum, verbi gratia, *gustare mortem*, pro, *mori*; *videre bonum*, pro *experiri*; *aperire intellectum*, pro, *docere aut instruere*; *accendi ira*, pro, *irasci*, quibus sexcenta addi possent alia, eodem, si rem spectes, sensu, significantius tamen, dici, nemo facile dubitauerit. Fac tamen, ornatus saltem caussa, in oratione praesertim vaticina, eademque poetica, quod proprie dici poterat, per tropum efferri, ut nihil inde ad sensum *ἐνεργείας* accedat: At, ego si quid adhuc iudico, in negatiua saltem propositione, qua pro & *διαφθαλέν*, & *εἶδε διαφθοράν* dicitur, negare emphasin, est vim vocum, vel sponte oblatam, non adsequi, dicam? an infringere aut eneruare. Longius nimirum ea a

nobis abesse significamus, quae ne vidisse nos quidem oculis asseueramus. Sic, qui *vidisse somnum oculos* negat, somnum omnem abfuisse prorsus, insinuat. Cohel. IIX. 16. plane vt est in *Terentio*, Heautontim. Act. III. sc. I. *Somnum hac nocte oculis non vidi meis*; & mali nihil omnino metuens, *luctum se non visuram* mystica Babylon gloriatur Apoc. XII. 7. Itemque, *bellum ne viderent*, Aegyptum contendentes Iudaei, belli incommodis omnibus vt se subtraherent, in animo habebant Ierem. XLII. 14. Conf. ib. cap. XVII. 6. 8. Est igitur, cur eandem vim phraseos & in nostro loco admitti debere, nec quidquam dubitemus, adeo corpus Messiae ab omni, quae morituros manet, partium dissolutione innoxium futurum, vt ne vidisse quidem διαφθορὰν iure meritoque diceretur.

§. IX.

Vidit ista sibi opponi posse dubitator anonymus, quem si audire velimus interpretem, non videre διαφθορὰν est non permanere in corruptione, sed per eandem transire ad ἀδιαφθορίαν. Igitur ne vim dictioni sacrae illaturus, minuendo emphasin, videretur, ad similem phrasin οὐ μὴ θεωρεῖν θάνατον prouocat, qua idem Io. IIX. 51. significari existimat, quod alias μεταβαίνειν ἐκ τῆς θανάτου εἰς τὴν ζωὴν dicitur Io. V. 24. iterumque alia elocutione, sensu tamen eodem, credenti in Christum promittitur: καὶ ἀποθάνῃ, ζήσεται Io. XI. 25. Verum enimvero non cogitabat, quisquis ille fuerit, vir doctus, ex consensione interpretum plerorumque omnium, & rei ipsius natura, mortem non temporariam aut corporis tantum, sed aeternam, quae corporis simul & animi est, eam esse, quam non visuros pollicetur Iesus, quot.

quotquot verbum suum seruauerint: ac praeterea, si vel maxime mors corporis intelligenda fuerit, limitatione tamen addita: εἰς τὸν αἰῶνα, dubium omne prorsus tolli: qualem in nostro loco, per hoc vnum mirum quantum dissimili, vt libenter legeret, frustra tamen vsque inquisiuerit.

Verba dabimus auctoris ex pag. 559. seq. Daß aber die **Re-**
dens-**Art die Verwesung nicht sehen**, garfüglich also
können erklärt werden (nempe vt modo ante interpreta-
tus fuerat: Er habe die Verwesung nicht gesehen finaliter
also, daß er in der Verwesung geblieben) beweise ich aus
Ioh. VIII. 51. Wahrlich, wahrlich ich sage euch, wer mein
Wort wird halten, **der wird den Tod nicht sehen ewig-**
lich. Dieses erklärt der Herr Christus Ioh. V. 24. Wer
mein Wort hält, und gläubet dem, der mich gesandt hat,
der hat das ewige Leben, und kommt nicht in das Gericht,
sondern er ist vom Tode zum Leben hindurchgedrungen.
Ingleichen Ioh. XI. 25. Wer an mich gläubet, der wird le-
ben, ob er gleich stirbe. Wäre also die eigentliche Mey-
nung des Heil. Geistes Act. II. 27. Du wirst nicht zugeben,
daß dein Heiliger die Verwesung sehe, diese: du wirst nicht
zugeben, daß dein Heiliger in der Verwesung bleibe;
sondern er wird von der Verwesung zum unvergängli-
chen Wesen hindurch dringen, er wird unverweslich seyn
ob er gleich verweset &c. In quibus equidem nec ingenium
auctor, nec iudicium omne a se desiderari passus est:
Attamen, si quod res est, dicendum, vereor, vt adhuc
ipsi placeant, rem si paullo curatius reuocauerit ad a-
nimum. Quod si mortem enim, quae *secunda* stilo A-
pocalypseos dicitur, id est, damnationem aeternam,
optimo Saluatori hic *θανάτου* nomine venire, sumamus,
perinde vt Rom. VI. 23. Hebr. II. 15. &c. quo sen-
su & *ἀποθανεῖν* dicuntur Io. VI. 50. Rom. IX. 13. qui
sem-

sempiterno pereunt supplicio: tum facile nobis ipse concesserit, illud & *μὴ θεωρεῖν* plena emphasi idem in verbis Iesu significare, quod hoc loco per *μὴ ἰδεῖν* indicari volumus: nihil quidquam mortis experturos, a reatu omni & sensu suppliciorum infernalium prorsus immunes praestitum iri, quotquot verbis eius fide atque obsequio constanti sint inhaesuri. At ita de sensu eloquii illustris sentire interpretes tantum non omnes, ignorare vir doctus non potuit. Vid. sis *Mich. Waltheri* Harm. Script. sacr. §. 189. p. 484. *Prückner*. Vindic. p. 642. *Christ. Nifanii* Comment. in Ioh. p. 499. ubi observatum, & *Augustino* interprete Tract. XLIII. in Ioh. Christum intelligere *mortem aeternam, mortem gehennarum, mortem damnationis*. Add. I. *Mich. Langii* Dissert. sing. cui tit. Antidotum mortis §. XIX. p. 14. 15. ibidemque pro eadem sententia allegatos *Glassium, Althoferum, Hackspanium*, immo commentatores fere quoscunque. Interim *Euthymium* monuisse, posse certo sensu etiam de morte corporis intelligi, *Frid. Ad. Lampius* adnotavit Comment. in Ioh. ad h. l. not. g. Et, quem ex Relat. innoc. 1712. p. 768. ibid. laudat, b. *Lutherum* constat, tum in citatis ab eo locis, tum alibi ita in h. l. commentatum esse, ut mortem corporis vel maxime etiam respexerit, eo sensu, ut terrores eius, vim, amarorem, non experti, vix vidisse mortem dicendi sint. Vid. eius Postill. publ. & priuat. Domin. Iudica, nec non Tom. IIX. Altenb. f. 554. 555. 556. quibus ipsis tamen locis mortem spirituales atque aeternam simul includi, videris, neque in ea fuisse megalandrum opinione, ut *μὴ θεωρεῖν θάνατον*, crediderit, per se idem esse, ac, non videre perpetuo, non manere in morte: quod ipsum nisi noster adsumserit anonymus, nihil se pro illustranda phrasi *μὴ ἰδεῖν διαφθοράν* attulisse facile deprehenderit. Habet enim ibi restrictionem a Spiritu sancto expresse additam *εἰς τὸν αἰῶνα*, qua, posito etiam, mortem corporis

ris intelligi, significatur, non negari simpliciter, mortem visuros Christi discipulos, sed *in perpetuum visuros* negari. Qualem si hoc nostro loco, ubi non expressa, subintellectam tamen velit, & pro phrasi illustranda, & pro re ipsa demonstranda, certiora aliunde adferri, iure meritoque postulabitur.

§. X.

Sed & maius insuper oritur incommodum argumentatione Apostolica in consilium adhibita. Nimirum, si *non permansurum* saltem in corruptione Messiae corpus esse, vel, quod idem est, non visurum eam *in perpetuum*, verum per ipsam διαφθοράν ad ἀφθαρσίαν transi-
turum, vates praedixerit: tum idem verum esse de piis hominibus quibuscumque, mortem aequae ac corruptionem experturis, fatendum est. Nam & illos credimus per διαφθοράν ad ἀφθαρσίαν, perinde ac per mortem ad immortalis vitae conditionem transituros. Idque auctore credimus Apostolo I. Cor. XV. 53. Et tamen de Davide illud ἐκ ἑαυτοῦ διαφθοράν, eo sensu, quem Spiritus sanctus voluit, expresse negant Apostoli, de solo Iesu intelligendum. Consequitur hinc, neruum omnem infringi collectionis Apostolicae, nisi ἐκ ἑαυτοῦ διαφθοράν ex intentione Spiritus sancti plus esse dicatur, quam non videre perpetuo corruptionem, aut in eadem non permanere.

Equidem non dubitauerim, hoc vnum si in mentem venisset perito dubiorum auctori, heic reperturum illum fuisse, quod ab ineunda noua interpretandi ratione penitus animum absterret suum. Nec diffitebitur etenim, pro eo, quod in fidei analogiam diuinorum-
D que

que auctoritatem scriptorum profitetur, studio, falsam esse quamcumque interpretationem, qua vis elidatur demonstrationis Apostolicæ, Iesum esse Messiam, ex hoc oraculo Daudico fortiter adstruentis. Quemadmodum ob eandem rationem orthodoxi eam repudiant, ceu Iudaeam aut semi-iudaeam, quae literalem quendam sensum de Dauide concedit. Nititur quippe, quod nemo non videt, virtus omnis demonstrationis anti-iudaicae hoc vno, vt sensus oraculi sit talis, quo nec in Dauide, nec vilo mortalium, nisi solo Messia, illud impletum esse aut implendum, dici possit. Vt fieri igitur vix potuisset, posito, literalis sensu, atque ex intentione sancti Spiritus, de Dauide agi, e calamitatibus eripiendo, quin ad hunc sensum scopumque vaticinii prouocarent verpi increduli, falsique postularent Apostolos, contendentes, de Dauide, quae praedicta fuerant, intelligi non posse: Sic iisdem frustra id oraculi, tanquam in solo Iesu impletum, inculcassent doctores, si, quem vates innuit, sanctum Iehouae, in corruptione saltem non permanfurum, praedixisset. Quidni enim implendum illud adhuc in Dauide opposuissent, saltem qui Sadducaeae impietate non imbuti, resurrectionem vel omnium, vel bonorum certe, olim futuram, non dubitabant, qua facta, corpora sanctorum in pulverem suum non reditura, Rabbinii etiam recentiores docent, *R. Saadta* teste, apud *Theod. Dassouium* Diatrib. de Iudaeorum de resurrect. mortuorum sententia Cap. IV. §. 4. qui tamen de quorundam etiam dissensu monuit.

§. XI.

Adhuc igitur nobis stat sententia, veterum Theologorum consensu munita, nihil expertum corruptionis credi debere, quem non visurum *nrw* diuinus vates

tes praedixerat. Restat, vt ad alterum illud, quod nobis propositum est, (§. IV.) pedem promoueamus, consideraturi, quae diuinae οἰκονομίας consiliiue in eo ratio versetur, per *negatam permissionem diuinam*, eamque in *personae* ἰσὺ τῶν δυνάμεων *dignitate* fundatam, subinducata.

Consensum non dissimulat orthodoxorum, quocum agimus, obseruator anonymus, scribens: *Es statuiren bekannter massen alle Theologi, der Herr Christus sey nach seinem Tode im Grabe gar nicht verweset, auch sey das Blut desselben unverweslich gewesen, und wäre die Verwesung desselben, wegen der in ihm wohnenden Fülle der Gottheit, unmöglich gewesen.* Die loca Ps. XVI. 10. Act. II. 27. scheinen solches primo intuitu deutlich zu bestärcken. c. l. p. 554. Et ita omnino ex nostratium Theologorum mente auctor Programmatiss Palch. Hal. 1729. verba nostra μεταφράζει: *neque expositurus, seu permissurus eum, quem benignitate prosequeris, vt corpore putrefacto videat corruptionem eiusque VEL INITIA experiat: & iam olim ex instituto Io. Adamus Osiander, tanquam contra auctorem nostrum sententiam dicturus, Coll. Theol. system. Part. IV. p. 193. scripsit: Omnem corruptionem negari de Christi carne: ergo & INITIALEM, non solum DESTRUCTIVAM VLTIMATAM, contra Theod. Bezam disputans, non dubitantem (cum quibusdam aliis Pontificiis aequae ac Calvinianis, quibus e Socini grege accedit Wolzogenius, & ex Reformatis recentioribus Io. Iac. Huldricus notatus auctoribus Continuat. Collect. antiquo-nouor. theol. 1728. p. 176.) Christi corpus post excessum e vita cadauer adpellare; a qua nomenclatione, patrum forte vni & alteri, nominatim Chrysostomo atque Theophylacto, & e nostris (saltem si fides sit Christoph. Massonio, alleganti Anatom. vniuers. triumph.*

Part. III. Cap. IV. p. 69. seq.) Ioanni Schütz, *Esaiae Silberschlag*, *Felici Bidembachio*, *Iac. Martini & Matth. Flacio*, occasione loci Matth. XXIV. 28. innoxie adhibita, plerique tamen nostrates vel ideo constanter abhorrerunt, quod, ex usu saltem, cadauer de corpore aut infepulto, aut certe putrefactioni obnoxio, dici conlueuerit. Nam & *Seruium* monuisse constat, cadauer dici, quod careat honore sepulturae, ad Lib. IIX. *Aeneid.* p. 508. & *Isidorus* hoc modo cadauer a funere distinguit Lib. XI. orig. cap. 3. *Omnis mortuus, inquam, aut funus est, aut cadauer. Funus est, si sepeliatur, cadauer est, si insepultum iacet.* Et ipse *Beza*, vtut inicitiae accusans, editione *Commentar. in N. T. postrema*, qui nomine cadaueris offendantur, contra *Castellionem* tamen cadaueris nomen ne mortuo quidem Christi corpori satis conuenire fassus est, teste, quem modo nuncupauimus, *Massonio* ibid. pag. 70. Quamvis verum sit, quod recte & *Tertullianus* Lib. de resurr. carn. C. XXIX. p. 57. & ad Matth. XXIV. *Hieronymus* monuit, quibus accedunt *Isidor.* l. c. & *Seruius* ad lib. V. *Aeneid.* v. 581. a cadendo cadauer dici, plane vt Graecorum *πτῶμα ἀπὸ τοῦ πίπτειν*, itemque a *כָּדָה* Hebraeorum *כָּדָה* deriuatur: & vicissim, quam ex quodam vocabulario antiquo nonnulli proferunt, lepidam magis quam veram etymologiam, qua cadauer sit quasi caro data vermibus, merito repudiauerit *Casp. Sagittarius* ad *Sulpic. epist. Consol. ad Ciceron.* p. 40. & *Io. Henricus Alstedius* *Lexic. Theol.* cap. XIX. art. I. fin. Euoluendi, si quis in hanc rem plura desideret, post *Theologos Hasso-Darmstadtinos* in *Deduct. fundament. contra Cassellanos* p. 165. seqq. & ibidem allegatos p. 167. *Damascenum*, *Gesnerum*, *Zebnerum*, *Dietericum*, etiam *Io. Gerhardus* *Conf. Cathol. Lib. II. spec. Part. I. append. articuli II. p. m. 403.* nec non in annotationibus ad Matth. XXIV. 28. & Act. II. 27. *Aug. Varenius*



nus Breu. Theol. p. 51. seqq. *Io. Ad. Osiander* d. l. p. 192. 193. *Io. Adam. Scherzerus* Coll. Anti Soc. Disp. CXII. p. 911. (edit. primae) & Disp. CXV. p. 935. *Abr. Calouius* Diss. de fluxu sanguinis & aquae Christi laterali §. XXXIIX. quibus accedit *Theophilus Alethaeus* in der gründlichen Erläuterung der dunckelsten Derter 2c. 1. Versuch p. 32. seqq. not. (a) Tum vero nec ea de consensu doctorum nos dubitare sinunt, quae de sanguine Christi corruptionis omnis experte aduersus Reformatorum nonnullos disputata sunt passim Theologis orthodoxis, e quorum numero *Schroederum*, *Thummium*, *Gerhardum*, *Theologos Hassiacos*, *Dannbauerum*, *Dorscheum*, *Meisnerum*, *Calouium*, *Loescherum* excitauit cel. *Christ. Matth. Pfaffius* de impersonalitate. & perpetuitate hum. Chr. naturae, lib. sing. ad §. XI. not. (i) pag. 59. 60. quibus addo *Aeg. Hunnium* de coena Domini Cap. XIV. Tom. I. Opp. lat. p. 1181. seq. *Io. Ad. Scherzerum* Coll. Anticalu. append. quaeft. II. p. 684. seqq. *Hieron. Kromayer*. Theol. posit. polem. part. I. p. 960. seq. & *Casp. Herm. Sandhagen* in Cogitatis ad difficil. S. S. oracula, vernaculo idiomate editis p. 466. E Pontificiis *Iac. Boilaem* *Pfaffius* allegat, itemque e Reformatis *Rich. Montacutium*, cui *Christoph. Massonium* iungere licet c. l. p. 73. socios tamen excusantem, non sine censura in nostros iniquiore. Sed & *Io. Caluino* iudice (qui sanguinem computruisse affirmantibus iungitur, renitente *Massonio* p. 71.) Christus immunis ab omni putredine, corpus recepit, Instit. rel. Christ. Lib. III. C. XXV. f. m. 328. b. Quod ad veteres attinet ecclesiae Doctores, equidem eorum nonnullos, incommode locutos pro absentia sanguinis Christi in sacra coena statuminanda, sibi asserere voluit *Petr. Allixius* Diss. de sanguine Christi, & ad *Augustinum* praecipue se recepit, tanquam vel dubitantem vel negantem sanguinem in resurrectione reassumptum: sed is tamen expresse Ep. CXLVI. ad

Crescentium, post propositam de sanguine & humoribus dubitationem, hæc subiicit: *Sed quodlibet quisque addat, corruptionem addere caueat, ne suae fidei sanitatem castitatemque corrumpat.* Tom. II. Opp. edit. Paris. 1541. fol. 140. Vid. plura contra Allixium disputantem Boilaeum Dilquis. Theol. de sanguine corporis Christi post resurrect. ad epist. 146. Augustini (Paris. 1681.). Gregorium Nyssenum, Athanasium, Damascenum, Leonem M. ipsumque Augustinum pro αφθαρσία sanguinis Christi aduersus Reformatos Scherzerus laudat d. l. Athanasii hæc sunt lib. de incarn. verbi scripta (indice Aeg. Hunni Tom. I. Opp. p. 178.) *Corpus, quod communem cum omnibus naturam habebat, (corpus enim erat humanum,) quanquam nouo miraculo ex virgine coaluerat; mortale tamen erat, & ad similitudinem sui generis mortem excepit. Neque tamen secundum naturam suam ob verbi diuini ingressum corrumpatur, sed PROPTER INHABITANS DEI VERBUM EXPERS ERAT CORRUPTIONIS. Vtrumque in eodem esse contigit, mirabili prorsus ratione: cum & mors in Dominico corpore vim suam exercuerit, & mors ac corruptela inde ob domicilium ibi numinis profligata sit. Profligatam dicit & mortem & corruptelam, non, quod utramque prius expertus fuerit, nam diserte non corruptelam, sed mortem ait in corpore Iesu vim exercuisse, & vicissim illud non mortis expertus, sed corruptionis adfirmat. Iterumque paullo post addit: Quapropter etsi mortuus sit ad omnium redemptionem, non tamen corruptionem vidit. Cum omni enim integritate resurrexit.* Neque aliter auctor libri de virg. qui inter Ambrosii opera exstat lib. 3. *Quomodo enim poterat, inquit, vel in carne marcescere, cuius nomen unguentum exinanitum est?* quidquid sit de ratione addita. At nobis ista pro consensu veterum allegasse sufficiat, ad aliam iam non impedito gradu profecturis, & illud praeser-

tim in hac causa fere praecipuum momentum, quo
via nobis parabitur iis remouendis, quae ex analogia
fidei auctor anonymus communiori sententiae opponi
posse existimauit.

§. XII.

Et *negatam* quidem *diuinam permissionem* verba
יֵן לֹא satis aperte loquuntur: siue simpliciter, *per-*
mittendi significatu, illud יֵן ad infinitium לֹא re-
feras, siue ad nomen יֵן, tanquam ab eo rectum,
pertinere iudicaueris, q. d. *non traditurus es* sanctum
tuum, *non expositurus*, vt corruptioni fiat obnoxius.
Quod vtrumque etiam, praeter hebraismi suspicionem,
in Graeco διδόναι habere locum potest: quo & LXX.
interpretes, & vterque Apostolus vti sunt, illud יֵן ex-
pressuri. Prius tamen, quo simplicius, eo similis ve-
ro, quod & *Luthero* visum, & interpretum plerisque.
Ceterum, quem alloquitur, summum *Deum* esse, vt
ἐξαρώνιον: sic sigillatim personam *Patris* respici, *Filio*
redemptore per *Dauidem* verba faciente, nemini or-
thodoxo dubium. Per rationes igitur *diuini* consilii
fieri potuisse negatur, vt caro sanctissimi noxam pu-
tredinis experiretur.

Transseat ἀσύνδετον in particula negatiua ἢ obseruatum
cui ἔδε, copula expressa, substituunt LXX. & Petrus
Act. II. 27. Hebraeum יֵן pro concessione aut permis-
sione poni, res notissima. Vid. praeter Lexicographos
Glassum Lib. III. Tract. III. Can. XI. not. p. 774. Grae-
cum διδόναι eodem sensu scriptoribus externis adhiberi,
exemplis docuerunt *Conr. Rittershusius* ICtus ad Oppi-
ani Cyneget. non longe post init. & noster S. Rev.
Georg.

Georg. Raphelius ex Xenophonte p. 149. nec non *Christ.*
Sig. Georgius in *Vindiciis* N. T. p. 99. sic *Aeschylus* in
Choëphor. princip. ὦ Ζεὺς δός με τίσασθαι μῆγον πατρός. *O*
Jupiter, fac me fatum patris ulcisci. Taceo phrasin no-
 tissimam δός μοι, δός ἡμῖν, de qua *Io. Frid. Hombergk* *Par-*
erg. sacr. ad Marc. X. 37. pag. 102. *Raphel.* l. c. p. 73. seq.
Erasm. Schmid. ad *Marc. c. l. & Henr. Stephanus Thesaur.*
Gr. L. Tom. I. col. 989. vbi tamen ἐξουσίαν vel δύναμιν,
 aut simile quid subintelligi me non inuito dixeris, vt
 de simili phrasi *Heliodori:* ἐπεὶ δὲ καὶ μοι λόγος μεταδεδάκατε,
 monuit cl. *Chr. Schoetgenius* ad *Lamb. Bos Ellips. Graec.*
 p. 66. n. (b) Nec mirum igitur cum *Luthero* hic eandem
 verbi notionem expressisse turbam interpretum. Atta-
 men tradendi significatu paraphrasta *Chaldaeus & Ae-*
thiops expresserunt: & *Aug. Herm. Franckius* *Introd. in*
Psalterium posthuma p. 121. reddit: neque expositurus
 (es) eum, quem benignitate prosequeris, vt videat corru-
 ptionem; Cui prorsus gemina paraphrasis in Program-
 mate *Halenfi* ad §. praecedentem allegato. Et sic inter-
 pretantem audiuius (§. V.) *Ios. Athiam:* Du solst nit
 überantworten deine Biderleut, die Verderbung zu sehen. Et
 verum est, vtrumque, & *Hebraeum & Graecum vo-*
cabulum, tradendi significatu non infrequens esse. Vid.
Leu. XXVI. 25. Efr. IX. 7. Ier. XXXIIX. 3. 2. Cor. IIX. 5.
Gal. I. 4. Tit. II. 14. &c. Quamvis de constructione
 cum infinitiuo scrupulus relinquatur, cuius adhuc ex-
 empla desideramus. Res interim vtroque eadem. Vt
 nihil non rerum, quae sub sole fiunt, diuino consilio re-
 gitur, & specialissima prouidi numinis cura circa pas-
 siones *Christi* meritorias, mortemque & resurrectio-
 nem, occupata fuit *Act. II. 23. IV. 28.* quod & *Psaltes* in-
 nuit versibus I. V. & IIX. huiusmet sacri cantici: sic
 carnem quoque sepulcro conditam, a corruptionis no-
 xa securam (v. IX.) non sine diuino consilio praestitum
 iri,

iri, illud לא תהן significare debebat. Quem non permissurum enim carnis suae διαφθοράν confidit, summus Deus est, essentialibus nominibus diuinis, יהוה, אלהים atque אדני compellatus, comm. i. 2. 5. 7. 8. Neque tamen essentialiter hic aut indefinite poni ea diuina nomina, sed ad personam Patris adstrictè referri, res ipsa loquitur, quum necesse sit, precantem ab eo, quem adgreditur supplex, ὑποσάσει differre. At precantem hic nouimus esse Christum mediatorem, non qua diuinam equidem, sed humanam naturam, in statu κενώσεως constitutam, ita tamen, vt persona preces fundens non nudus homo, sed verus Dei filius sit, per κοινοποίησιν ex arctissima naturarum coniunctione oriundam. Quamuis igitur istis nominibus diuinis essentiam simul complectatur sibi communem, neque adeo semet ipsum excludat diuinitate, Patrem tamen, pro admiranda negotii redemptionis οἰκονομία praecipue respicit, & vt vere haecenus Ioh. Caluinus scripsit, *in mediatoris persona loquens, medium gradum tenet inter Deum & homines, neque tamen ideo imminuitur eius maiestas.* Instit. Christ. Relig. Lib. I. Cap. XIII. §. 26. f. m. 40. a. Quam male vero (an incaute dicam) idem Caluinus §. 23. f. 38. a. & qui eum tuentur, in istis locutionibus aliquam Patri ἐξοχήν tribui putarunt; tam vicissim verum est, illud diuinum consilium, a quo nihil non seu exinanitionis seu gloriae redemptoris Iesu, & ipsa etiam corporis a corruptione innoxii praerogatiua pendebat, non Patris solius, excluso Filio, aut Spiritu sancto, sed Dei trinunius consilium esse: vt vere non minus de Filio dicatur, non permississe eum, vt caro sua sentiret corruptionem: quemadmodum penes se situm praedicabat, & ponere vitam & eandem resumere, ac nihilominus eam se ἐντολήν παρὰ τοῦ Πατρὸς accepisse profitebatur Io. X. 17.

§. XIII.

Istud vero diuinum consilium vt rationibus niti sanctissimis nemo pius dubitauerit: ita eas, nisi Spiritu sancto ipso ductore, frustra quis indagare in animum induxerit. Tentantibus igitur, num in textus visceribus aliquid eius reconditum sit, praeter *emphaticam Messiae adpellationem*, qua יהוה ^{ὁσίου} Iehouae dicitur, nihil occurrit nobis, vel ob hanc causam intentius considerandam, ac praeterea singulari scriptura, qua pro יהוה repetita, ante suffixum, י litera יהוה legitur, memorabilem.

Emphatice dici *non permittes* יהוה ^{ὁσίου} ^{σς}, pro, *non permittes me aut carnem meam*, non putamus cuiquam fore ambiguum. Est enim illud quidem Hebraeis familiare dicendi genus, vt loco pronominis ipsum nomen ponatur, quod an ubique vim augeat sermonis, nunc non disputabimus. Iudicet lector consideratis exemplis, apud Geierum h.l. *Glasium* lib.III. tr.II. can.VIII. *Danzium* Interp.Hebr. Chald. §.207. p.347. seq. edit. plenioris. At si ipsum consideremus hunc seruatoris titulum, & significatione, & vsu rariore eximium; tum praeter rationem aut consilium singulare eum hoc praesertim loco adhibitum fuisse, quo minus opinemur, summa scripturarum summi auctoris sapientia prohibet. Et videtur ea, vel per illam ipsam scriptionis anomaliam, de qua monuimus, aliquid in re ipsa ἐξαιρετον, rarum, singulare, notare, lectorisque pie meditandum commendare voluisse. Adeo non est, cur tantopere in hoc nodo (si modo nodus est) critico vel curiosius soluendo desudemus, vel secundum eum intempestiue meditemur, vt siue alterum, velut otiose abundans, deleri, siue pro singulari, quem textus omnino postulat,

lat, mutatis punctis, pluralis numerus substitui, & vel ad *absurdas* & *monstrosas*, quas *Cappellus* per conui-
tium inigne crepat, *irregularitates*; quae in textu est
lectio, relegari debeat. Quin potius *Sal. Glasio* polli-
cem premimus, in *Onomatologia Messiae Prophetica*
Class. IIX. p. 106. scribenti: *In Hebraeo interseritur lite-
ra* ' hoc modo *דנר* quae *πλεονάζειν* vulgo putatur:
sed ad indicandam gratiae & pietatis Christi perfectionem
(est enim ' *nota numeri denarii, qui omnium perfectissi-
mus)* & *beneficiorum in nos redundantium multitudinem*
fuisse insertam, non absurde statuitur. Vnum illud, quod
de numero denario monuit, minus placet: quum apertius
eam, quam voluit, *emphasin* inferat, quod idem ' in nomi-
nibus, & ante suffixa praesertim, nota sit pluralis numeri,
pluralis autem pro singulari positus rei magnitudinem at-
que excellentiam designet. vid. ipse *Glasius Philol. sacr.*
Lib. III. Tract. I. Can. XXIV. de nomine p. 617. seqq. vbi
notabis vel maxime sapientiam hypostaticam *Prou. I. 20.*
pluraliter *חכמה* honoris causa dici, q. d. tota sapien-
tia & omnis sapientiae auctor, quod ibidem ait *optime* ab
Iunio & Tremellio obseruatum esse. conf. *Danz. Interp. S.*
37. Ut puncta igitur singularem indicant, ne de alio, praeter
Messiam, cogitemus, sic ' pluralis numeri nota, inserta,
ἐξοχήν infert, qua eminentiori modo illud epitheton in
personam Messiae conuenire, subinnuatur. Ceterum *το* *דנר*
hoc loco singularem, omisso ' altero, exhibere, non
dememinimus, neque quo loco istae margini sacrorum
codicum adscriptae adnotationes haberi debeant, nunc
discutere nostrum est. At cur hoc loco *το* *דנר* dese-
ramus, ratio non adparet, suadentibus licet, in Lexi-
cis suis *Io. Cocceio* & *Iac. Gouffeto*, eosdemque secuto in
Annot. ad h. l. Io. Henr. Michaelis: praesertim cum nec
rara adeo aut inaudita prorsus quiescentis literae post
punctum etiam heterogeneum epentheseos exempla
sint,

sint, qualia videri possunt in Litteratore Hebr. Chald. Io. Andr. Danzii §. 53. p. 466. seqq. & addi plura v. g. סִנֵּי Iesa. XLIV. 7. בְּטָרוֹם Ruth. III. 14. sed &, quae huc maxime faciunt, in allegatis praecipue notari merentur epentheseos literarum ו & י post (:) exempla in מְדִיָּהֶם 2. Sam. X. 4. pro מְדִיָּהֶם & לְדָרוֹשׁ Efr. X. 16. pro לְדָרוֹשׁ in quibus, post epenthesein literae, vocabulum insuper facta permutatio deprehenditur.

§. XIV.

Igitur, ut de genuina huius tituli emphasi ex significatione vocis & usu praesertim biblico iudicium fieri queat: primo omnium notamus, חֶסֶד generatim eum denotare, in quo est חֶסֶד, quem אִישׁ חֶסֶד hebraeo dixeris idiotismo. Illud autem חֶסֶד vfitatissime *misericordiam* aut *benignitatem* interpretantur, quum *pietatem* vniuerse notare & *studium boni*, siue illud sit in virtute quavis, siue in beneficentia, (quod Cocceius monuit) usu quorundam sacrae scripturae dictorum edoceamur. Certe חֶסֶד quum ὁσιον non LXX. tantum interpretentur, sed eam translationem suam fecerint diuino instinctu Apostoli, quin, ex intentione etiam Spiritus sancti, illud *sanctum*, *pium*, *studiosum boni* cuiuscunque non minus, quam *beneficum* aut *misericordem* speciatim, nobis denotare debeat, dubium esse non potest.

Radicem חֶסֶד in Kal quidem frustra requisieris a scriptoribus sacris adhibitam. In Piel חֶסֶד *culpandi vituperandique* significatu scriptum Prou. XXV. 10. parum utique, immo nihil confert ad notionem חֶסֶד τὸ eruendam. Occurrit in Hitpaël חֶסֶד Pf. XII. 26. & 2. Sam. XXII.

XXII. 26. loco quidem gemino, sed qui eadem nobis verba recitat; & manet obscurum, num *benignum* potius an *sanctum se gerere* significare debeat, quum vtrumque & sensum pariat satis commodum, & non male coniungi possit. Vide sis *Lutherum* ex posteriore significato interpretantem Tom. V. Altenb. 466. a. & eius vindicias aduersus *Io. Buxtorffii* censuram, in *Frid. Strunzii* Disp. cui tit. Electio ex libro collectionum *Io. Buxtorffii* §. IV. p. 13. seqq. Requirendus igitur tum vocis רַחֻם tum רַחֻם parallelismus erat: quo obseruato רַחֻם plerumque *misericordiam*, *benignitatem* significare, interdum tamen generaliori notione positum occurrere, vt *morum probitatem*, *studiumque boni* cuiuscunque denotet, docti interpretes monuerunt. vid. *Cocceium* in Lexic. & ad Psalm. IV. 4. Tom. II. Operum p. 19. nec non ad vltima Mosis §. 1613. Tom. I. Op. p. 119. *Geier.* ad Prou. XIX. 22. *Vitringa* ad Iesa. XL. 6. p. 362. & commentatores ad Ier. II. 2. Hof. VI. 4. itemque Ion. II. 9. Taceo, generalius adhuc *summum rei gradum*, *περισσείαν* aut *excessum boni* vel *mali*, secundum quosdam, voce רַחֻם notari. vid. *Ed. Pokokius* in notis ad portam Mosis Maim. p. 20. & *Io. Henr. Hottingerus* in Hist. creat. p. 15. Quorsum referunt Iesa. XL. 6. vbi tamen *decorem* aut *gratiam* alii malunt significari, alii *sanctitatem* aut *pietatem*, saltem externam illam & hypocriticam, quae רַחֻם conueniat. Hinc Graeci fere plerumque *ἐλεος*, nonnunquam tamen *δικαιοσύνην* vertunt, & interdum *χάρις*. Vid. *Leighii* Crit. S. h. voce, in plurali רַחֻם *τὰ ὅσια*. Quin Hof. c. l. *μεταμέλειαν* *Theodoretus* reddit *Io. Marckio* adnotante, ad sensum forte magis, quam natiuam vocabuli vim respiciens. Ex his prouum erit de significato vocis רַחֻם ferre arbitrium. Inest nimirum & huic vocabulo notio *inclinationis ad benigne & decenter agendum in usum aut iussum alterius*, vt bene & perspicue monuit *I. Henr. Hottingerus* ad Goodwinum Lib. I. Cap. IX. not. (1) p.

168. Neque aliter Cocceius ad ult. Moſis indic. loco. *O-*
mnē, quod fas, quod purum, quod decorum conscientia
proponit, hoc amare, hoc conari, & alteri velle, & enixe
procurare est Cheſed, & qui hoc agit, Chaſid dicitur. Vn-
de LXX. ſeniorum verſio & hoc noſtro loco, & fere v-
biuis, ὁσίον exhibet (quod καὶ θαρδὸν & ἀγνὸν Heſychius in-
terpretatur, & Syrus Hebr. VII. 26. per נָחַם purus ex-
preſſit) ſed Prou. II. 8. נָחַם eodem ſenſu εὐλαβεμέ-
ων αὐτὸν vertunt, iterumque Mich. VII. 2. εὐλαβῆς (εὐσε-
βῆς) & verbum נָחַם Pf. XLIX. 26. per ὁσιωθήσῃ effe-
runt. Chaldaeus etiam h. l. נָחַם per נָחַם reddit,
quod eſt a נָחַם fuit mundus, immaculatus, indice Glasſio O-
nomatol. Meſſ. Proph. c. I. Et hos omnes duces habuit
Lutherus toties per vernaculum Heilig exprimens, quod
in Hebraeo נָחַם dicitur, idque & hoc praefertim loco:
Dein Heiliger. Interdum etiam per Fromm, ſenſu eo-
dem. Quo ipſo tamen, quem Graeci ἀγαθὸν aut χρη-
στὸν adpellant, τὸν σφόδρα πρὸς ἔλεον γέποντα Suida inter-
prete ſignificatu quodam ſpecialiori נָחַם dici, non ne-
gamus, & eo reſpicere, praefertim de Deo adhibitum,
ut eſt Ierem. III. 12. vbi Chald. נָחַם נָחַם נָחַם
multiplicans facere bonitates ego. Ex quo omnium con-
ſenſu ciconia נָחַם nomen habet, pietaticultrix Pu-
blia dicta, propter ſοεγὴν ſingularem, de qua Plinius
atque Solinus apud Bochartum Hieroz. Part. II. Lib. II.
Cap. XXIX. p. 327. ſeqq. Neque adeo inter נָחַם & נָחַם
diſcrimen nullum eſt, quod adparet ex Pf. CXLV. 17.
quamuis illa, quae ſequioribus ſeculis inter נָחַם & נָחַם
נָחַם & נָחַם diſtinctio increbuit, verpis relinqueu-
da, e ſacra ſcriptura exulet (de qua in Pirke Avoth
cap. V. §. 10. & Kimebi ad Pf. CIII. 17. itemque Bartenor. &
Maimon. ad Cap. Patr. Cap. II. §. 8. add. Io. Druſium in Triha-
rel. p. 4. ſeqq. 168. ſeq. & 445. Th. Gataker. in Cinno p. 267.
Goodwin. & Hottinger. c. I. not. 1. & 2.) & ipſe, qui adhuc pe-
nes Iudaeos exſtat liber, נָחַם inſcriptus, pietatis conſilia
& exem-

empla sanctorum hominum generatim complectatur, de quo ven. Io. Chr. Wolfius Biblioth. Hebr. Vol. I. p. 427. ut vix illud discriminis Paulo Rom. V. 7. in mente fuisse viri licet doctissimi nobis persuaferint: quibus & Schoetgenius accessit, in Horis ad ill. loc. Praeter *actiuam* vero, quam adhuc commemorauimus, τοῦ τῶν significationem, plerosque & *passiuam* agnoscere videas, qua τῶν, vbi de hominibus dicitur, ad Deum praelertim relatum, *beneficiarium* notet, καὶ χαριτωμένον, cui Deus bene vult & benefacit. Vid. Schindler. Lexic. Pentagl. p. 618. Nic. Fuller. Miscell. Lib. I. Cap. IIX. Glass. c. l. Quibus repugnat Cocceius citatis locis, & mauult, etiam quando ad Deum refertur, *actiue* sumi, pro eo, qui studiosus Dei est, qui, quod est rectum in oculis Dei, enixe vult & facit. Si rem ipsam spectes, quum fauorem Dei gratuitum & benignitatem summam nemo non pius experiatur, non repugnaueris valde vtramque, & *actiuam* & *passiuam*, significationem coniungentibus: quod facit Geierus in Comment. ad Psalm. IV. 4. XII. 2. XIIX. 26. XXX. §. Plura si quis desideret, adeat Lexicographos, nominatim Christ. Stockii Clau. ling. sanctae V. T. &, quam non vidimus, Frid. Strunzii singularem de τῶν Disputationem. Addi poterit etiam Frischmuth. Diss. in h. l. cap. I. §. XIX. XX. XXI.

§. XV.

Porro, ut in Messiam vel maxime, & cum ἐξοχῇ prorsus singulari illud epitheton conueniat, antequam consideremus, est, quod observes, illud ipsum τῶν, praeterquam, quod nunc Deo, nunc hominibus, perinde ac eidem respondens graecum ὁσιος, passim tribuatur, ratione quadam peculiari, & velut per ἰδιωσιν, ad Aaronem, pontificem Hebraeorum maximum, &

se.

secundum quosdam, ad sacerdotes etiam atque Leuitas quoscunque, sanctioribus templi ministeriis dicatos, stilo sacrorum scriptorum referri. Fere vt sermone nobis vernaculo *spirituales* (die Geistlichen) sacrorum ministros adpellari, vsu venit, & *Sanctitatis* titulo fictitium Christi vicarium salutant pontificiae religioni addicti.

Deo quidem frequentissime *הַסֵּד* tribui, at *הַסֵּד* duobus tantum in locis, nimirum Ps. CXLV. 17. & Ier. III. 12. ipsum praedicari, obseruamus. Quum *הַסֵּד* verbum solus, de Deo solo, Dauides adhibuerit locis ad §. praeced. citatis. De *hominibus* vbiuis obuium, & fere substantiue, vnde saepius cum suffixis occurrit. Dabit loca in concordantiis *Io. Buxtorfius*. Sed quod de personis sacris diximus, non videtur nobis praeter rem adnotasse *Io. Spencerus* in Dissert. de *Vrim & Thummim* cap. VI. p. m. 277. seq. scribens: *Aliquando etiam vox haec adiectiui proprii vice, (vt חַסִּים olim apud Hebraeos & σοφοὶ apud Graecos) usurpatur; & de Leuitis, veluti nota propria & attributum distinctiuum, intelligitur. Ita Psal. 30. 5: Psallite Domino חַסִּדֵּי sancti eius, id est, Leuitae: penes quos erant instrumenta musica, & quos ipsa muneris sui ratio ad Dei laudes doctis cantibus celebrandas obstrictos tenuit: & Psal. 132. 9: Sacerdotes tui induant iustitiam, חַסִּדֵּי & Sancti tui exultent: nam eo in loco vocem Hebraeam de Leuitis interpretandam esse, ipsa coniunctionis illius & muneris sibi demandati conditio, & concors interpretum sententia docent. Vbi quidem, quod de concordia interpretum sententia addit, falsus fuerit *Spencerus*, si omnium, recentiorum praesertim, esse putauerit. Dissidentes enim, si quis doctorum in psalmos enarrationes euoluerit, inueniet plurimos. Praeiuere tamen, de Leuitis interpretantes e Iudaeis *Aben Esra**

Esra & R. D. Kimchi. Et omnino verum est, quod de Chaldaea Metaphrasi addit: *Atque huic interpretationi gratiam & robur addit suffragium Chaldaei Paraphrastae, qui textum illum in hunc modum explicat: חסדך ישכחון וילוי, & Leuitae pii tui laudibus te celebrent.* Veruntamen e nostris etiam *Vinarienses* hanc interpretationem suam fecerunt, textum sic efferentes: *Deine Heiligen (Diener die Leviten laß) sich freuen.* Forte & *Alb. Io. de Krakewitz* in *Diff. ad h. l. & Ies. LXI. 5.* de sacerdotibus ac Leuitis N. T. sub antiquo foedere promissis. Et fauet omnino arcae mentio versu praecedente IIX. facta, cum respectu ad ritum, quo arca foederis eleuata transferebatur, qua in functione coniuncta sacerdotum ac Leuitarum ministeria fuisse, res notissima. Vid. *Io. Lundii Jüdische Heiligthümer*, Lib. III. Cap. XXIIIX. p. 536. seqq. Ne dicamus, idem elogium commate XVI. repetitum, vbi חסדך cum relatione ad Ziionem dicuntur, rectius forte ad aliquem sacrum ordinem a coetu distinctum pertinere credi. Quo ipso tamen, utrobique ad sanctos N. T. generatim ex intentione Spiritus sancti vel maxime respici, non negatur. Constat enim, & sacerdotes (quos tamen hic ministrorum potius N. T. typum constitui, nonnullis placet, vid. *Io. Henr. a Seelen Meditat. Exeget. Part. I. Medit. XIIIX. p. 740.*) & Leuitas omnes umbram habuisse sanctorum noui foederis: & nihil in sacrorum vatum libris frequentius permutatione nominum typi & antitypi, quae utique & in voce כהנים obtinet, sacro templi ministrorum ordini haud dubie propria. Iam & rationes edifferentem ad propriatae Leuitis adpellationis *Spencerum* audias: *Ideo vero nomen illud חסדים in peculiarem tandem tribus Leuiticae characterem transiit, eo quod titulus ille (sive actiue sive passiue vocem illam accipiamus,) iure meritoque Leuitarum praecipue capitibus assueretur.* Erant enim illi a primis natalibus DEO & religioni deuota capita: illi soli fidem

DEO datam summa cum religione in Aegypto ipsa (sicut Maimonidi credamus,) integram & inuiolatam seruauerunt: & in propinquitatis, quam foederis cum DEO initi iura peccare, potius habuere. Solis etiam Leuitis datum erat DEO appropinquare, de DEO dicatis viuere, Θεὸς κληθεὶς appellari, sacris suis operari, populo post DEV M & Mo- sen imperio praeesse. Quae sane fauoris sui pignora, quibus DEV S eos a mortalium vulgo secreuit, tam eximia erant & plane singularia, quod Chore & affeculae sui in vulgus sparserint, & pro certo affirmarint, insignes illas fauoris diuini tesseras non a DEO concessas, sed a Leui- tis dolo malo, ex animi fastu & fratrum fastidio, sibi solis vindicatas fuisse. Verum, quidquid tandem horum sit, (neque enim pro ea valde pugnabimus hypothese,) Aaronem certe, Christi, summi omnium sacerdotis, typum, κατ' ἐξοχήν דוד dictum, in vltimis Mosis, Deut. XXXIII. 8. vix vnus & alter fuerit interpretum, quin nobiscum sentiat. Nam ibi Moses, de tribu Leui praeclara nun- tians, תִּמְנִינֶיךָ inquit וְאֶרְבֶּךָ Thummim tui & Urim tui (sint, velerunt) viro sancto tuo (vel si mauis, cum Cocceio: viro studioso tui) quem tentasti in Massah, cum quo contendisti (al. quem iudicasti, contendere fecisti) apud aquas Meribab. Ad Mo- sen equidem ipsum post Alph. Tostatium, Abulensem Episcopum, noster etiam b. Luthe- rus refert, Annotat. in Deuteron. An. MDXXIV. scriptis, sic παραφραζων: Vult dicere, Sacerdotium & officium tuum sit felix, tam orando, quam docendo, ut fuit in MOSE in deserto, quem tentasti. Tom. III. Ien. Lat. p. 158. a. Sed eundem virum lumnum, est, cur suspicemur, mutasse mentem suam, quum, quod ibidem vertit secundum vi- rum sanctum tuum, postea in translatione Biblicorum germanica reddiderit: **Bey deinem heiligen Manne.** Vidit haud dubie, faciliorem superesse minusque impe- ditam interpretandi viam, quam posteriores interpre- tes

tes plerique omnes inierunt. *Castalionem* atque *Cocceium*, verba sensu literali ad *Christum* pertinere contententes, *Abr. Calouius* notauit *Bibl. Illustr.* ad h. l. Nec dubitauit, eundem *Aaronis* antitypum voce *אֹהֵרֶן*, sensu tamen non literali, sed mystico, indicari, *Io. Spencerus* c. l. Cap. VII. p. 320. seqq. asserens, textum hunc in summo quidem benedictionem in Pontificis & Leuitarum capita effundendam exhibere: in imo vero beneficium in totum *DEI* *Israëlem*, mediante *Messia*, conferendum premere. Qui tamen in eo fallitur, quod verba de tentatione in *Massa* interposita sensum omnem, nisi *Messiae* soli conuenientem, plane respuere, ipsi videantur. Siue enim ad Deum directa *Mosis* oratio videatur, contrarium docebunt interpretes, & diserte tentationem apud aquas *Meribah* a Deo factam *Dauides* commemorat, *Ps. LXXXI. 8.* siue ad populum de *Leui* verba facere dux *Israëlitarum* putetur, aut, quod velle videtur vir doctus, ista saltem: *quem tentasti in Massa*, ad populum dicta fuerint; *Aaronem* certe cum *Mose*, tentationis ac litigationis murmurantium in *Massa* obiectum, post Deum satis aperte sacra historia constituit, *Num. XX. 2.* Ceterum de mystico sensu nunc non attinet dicere. *Aaronem* sufficit, sensu literali titulo *אֹהֵרֶן* insigniri. Nec mirum, cum eundem *קֹדֶשׁ יְהוָה* *Dauides* *Ps. CVI. 16.* & *Siracides* Cap. XLV. 6. *ἁγίου* adpellauerit, & meruerit hoc elogio ornari, non solum qua officii sanctitatem, sed qua receptus in gratiam sanctitati vere studuit, quae *Calouii* verba sunt ad h. l. Neque aliter *Spencerus* *ἑξοχὴν* tituli *Aaroni* vindicans c. l. Cap. VI. p. 278. 279: Quantum autem *Tribus* *Leuitica* ante alias, tantum & *Aaron*, praeteris e domo *Leuitica* prognatis, hoc illustri titulo decorari meruit: qui eximia apud Deum gratia, sanctitate qua morali, qua ceremoniali, priuilegiis denique plurimis, *Leuitas* ordinarios, quantum & illi *Israëlitarum* plebem, superauit. Conf.

huc de sanctitate sacerdotum V. T. cerimoniali Levit. XXI. 6. seqq. & quem *Spencerus* ibid. laudat, *Philonem* Lib. II. de Monarch. p. 827. & 818. edit. Paris.

§. XVI.

At nunc **emphasin** quidem vocabulo inesse longe maiorem, immo maximam, quando ad Christum Salvatorem O. M. adplicatur, facile apud omnes in confesso fuerit. Cui tamen explicatius euoluendae, quae de significatione & usu vocis generatim praecepimus, apprime inseruiunt. Scilicet pro communi sua & magis adpellatiua significatione, vox **קדש** de Christo adhibita ad sanctitatem *personae* redemptoris respicere iubet: tum *infinitam* illam, diuinae naturae propriam, humanae tamen etiam communicatam, tum *habitua-*
lem, quae humanae naturae propria, sed eadem omnibus numeris absolutissima praedicatur. Quod si vero simul alterum illum & magis proprium vocabuli usum spectes, quo *personae* V. T. sacrae, & maxime summus Hebraeorum Pontifex, eo titulo *ἱδιωτέως* appellabantur; adparet, isto simul *officium* mediatoris insinuari, & *sacerdotale* illud inprimis, quo Aaronis, illius *sancti* *Iehouae*, Christus ipse, Iehoua sanctus, antitypus est. Vtrobique vero etiam **emphasin** auget suffixum **-ך** (Graec. σου) additum, quo, & *personae* & *muneris* respectu, singulari quadam ratione ille **קדש** ad Deum pertinere indicatur. Vnde factum, vt non solum in V. T. scriptis passim **קדש**, & Dan. IX. 24. **קדש קדשם** diceretur, sed & in N. T. **ὁ ἅγιος** simpliciter, &, cum addito, **ὁ ἅγιος τοῦ Θεοῦ**, tanquam *Messiae* synonyma, occurrant.

Sanctitatem in *persona* Sospitatoris geminam Theologi ob-
 servare solent. *Infinitam* alteram, quae diuinae naturae
 est, angelorum Ies. VI. 3. praeconio celebratam, & ani-
 malium apocalypticorum Apoc. IV. 8. qua vna cum Pa-
 tre & Spiritu sancto est ille Deus *μόνος ὁσῖος*, Apoc. XV. 4.
 communicatam vero naturae humanae per vnionem hy-
 postaticam, Col. II. 9. Alteram *habitualement*, quae huma-
 nae naturae propria, vi ortus singularissimi Luc. I. 35.
 qua & ab omni peccati originalis aequae ac actualis labe
 immunis fuit, 2. Cor. V. 21. Io. IIX. 46. 1. Pet. I. 19. II. 22.
 Hebr. IV. 15. VII. 26. & pietatem in DEVM exquisitissi-
 mam Io. IV. 34. V. 30. IIX. 49. Ps. XL. 10. Hebr. X. 7.
 Phil. II. 8. huius etiam Psalmi XVI. singulis fere versi-
 bus celebratam, studiumque bene omnibus faciendi in-
 tensissimum Io. XV. 13. 1. Io. III. 16. Act. X. 38. Matth.
 XX. 28. XXIII. 37. &c. cunctis probavit. Vtriusque, nil
 prohibet, simul rationem haberi, quando קדוש, קדוש,
ἅγιος, ὁσῖος, vel coniuncte etiam קדוש יעקב aut ישראל
 קדוש vocatur, Ies. XL. 25. Hof. XI. 9. Hab. III. 3. Ps. LXXI.
 22. LXXXIX. 19. Ies. XLV. 11. XXIX. 23. Act. III. 14. IV.
 27. 1. Io. II. 20. Apoc. III. 7. Conf. *Glass.* Onomat. Mess.
 Proph. c. l. & p. 20. & 119. & passim ad citata loca Com-
 mentatores. Neque vero inficiandus in his plerisque
 omnibus ad *muneris* etiam sanctitatem eminentissimam
 respectus: qua fit, vt pro synonymis Christi redemto-
 ris adpellationibus istae passim vsurpentur, illum nobis
 animo repraesentaturae ἀρχιερέα μέγαν, ὉΣΙΟΝ, ἀκα-
 κων, ἀμίαντον, κεχωρισμένον ἀπὸ τῶν ἁμαρτωλῶν, καὶ ὑψηλότερον
 τῶν ἑσθάνων γενομένον Hebr. VII. 26. qui semet ipsum pro no-
 bis sanctificauit Io. XVII. 19. & cuius ille V. T. *sanctus* typus
 & umbra fuit, Hebr. V. 4. 5. IX. 11. seqq. X. 21. sacerdotium ta-
 men eius non ex lege aut secundum ordinem Aaronis Heb.
 V II. 11. 15. 16. sed prioribus omnibus & sacerdotibus & sa-
 crificiis longe maius & sanctius, quibus non poterant acce-
 dentes sanctificari, Hebr. X. 1. VII. 19. quum is contra vnica obla-

oblatione perfecit in perpetuum τὰς ἀγιαζομένους ib. v. 14.
 Quod si istum tamen umbrarum veteris sacerdotii anti-
 stitem, *sanctum* non tantum simpliciter, verum cum ad-
 dito *sanctum Iehouae* Spiritus sanctus appellabat; quid
 mirum, istud elogii, cum eadem ad summum Deum
 relatione, nostrum sibi tribuere supremum sacerdotem,
 qui, & si *personam* spectes, qua *diuinam* naturam Patri
 est *idios* Rom. IIX. 32. Prou. IIX. 22. cum eoque, in per-
 sonarum differentia, coniunctissimus, Io. I. i. 2. 18. Prou.
 IIX. 30. qua *humanam* vero etiam naturam, per vnionem
 cum diuina personalem, Deo proximus, Zach. XIII. 7.
 & si *officii* habeatur ratio, illud omne a Deo habet, Io.
 X. 17. V. 30. a Deo etiam ad illud obeundum *sanctifi-*
catus, Io. X. 36. vnctusque diuino Spiritu, Iesa. LXI. 1.
 Ps. XLV. 10. Act. IV. 27. X. 38. nobisque a Deo ἀγιασμός
 factus i. Cor. I. 30. *seruus* etiam ideo *Iehouae* dictus, Iesa.
 XLII. 1. XLIII. 10. LII. 13. Zach. III. 8. Quae cum ita
 sint, & Iesum mundi redemptorem Deique filium esse,
 daemones conuicti, τὸν ἅγιον τῷ Θεῷ palam pro-
 fessi legantur, Marc. I. 24. Luc. IV. 34. non minus illud
 ad nostrum יהוה דוד pertinere iudicari debet, quam
 titulum קדש קדש, Dan. IX. 24. eo, cum aliis, *Bern-*
hardus Lamy in Harmonia Euang. referre non dubitauit.
 De *passiva* nihil addimus vocis דוד significatione.
 Qui eandem agnoscunt, facile etiam reperiunt, quo in
 Christum ἐξοχικῶς & cum emphasi maxima eam conue-
 nire probent, quum ob essentiae diuinae vnitatem, &
 eam ipsam, quam veneramur in Salvatore nostro, vir-
 tutum omnium perfectionem vere summam, & ad mu-
 nus etiam redemptoris obeundum promptitudinem, Io. X.
 17. fieri nequeat, quin summo eum atque eximio Pater
 amore complectatur, vnde יהוה בחר, ἀγαπητός, υἱός
 εὐδοκίας, & propter ipsum velut antitypum, Salomo דוד
dilectus Domini 2. Sam. XII. 15. adpellatus fuit. Conf.
Glass. d. I. p. 106. coll. 104. *Spencer.* p. 324.



§. XVII.

Igitur, ut ad propositum, quae observata sunt, referantur, quo minus ille noster mediator atque sacerdos summus, quamvis redemptoria morte extinctus, corruptioni, qua corpus exanimum, a Deo permitteretur, *et personae et muneris sanctitatem, ad Deum relatum*, cuiusque adeo sibi intime cognitae Deum rationem habere necesse fuerit, prohibuisse, voce קדוּתִיךָ subindicatur, ἐμφοτικῶς hoc in negotio adhibita. Et quidem, si sanctitatem primum naturae divinae spectaveris, communicatam humanae naturae, atque adeo carni quoque, tum mortuae atque sepultae; habes hic fundamentum argumentationis Theologorum ex *unionem personali* derivatae, qua fieri potuisse negant, ut ea caro putrefactioni obiceretur, quae personae τοῦ λόγου arctissime unita est: quoniam, carne corrupta, unionem, sequeretur, vel exspirasse penitus, vel tantisper interruptam fuisse. Quod utrumque cogitare impium,

Percepimus supra (ad §. XI.) Athanasium asserentem, corpus Christi, *propter inhabitans Dei verbum*, expers fuisse corruptionis. Atque sic Theologos passim statuere, magno consensu, ipse monuit noster anonymus: es wäre die Verwesung desselben, wegen der in ihm wohnenden Fülle der Gottheit, unmöglich gewesen, l. c. p. 554. sed tamen is parum, immo nihil, huic tribuendum esse ratiocinio, existimabat, ex earatione, quod non ad corruptionem magis, quam mortem ipsam negandam illud facere posse, videretur. En verba eius ex pag. 557. n. VI. repetita: Ist es unmöglich gewesen, daß Christus wegen der in ihm wohnenden Fülle der Gottheit nicht hat verwesen können, so wäre es ja auch aus eben der Ursache ohnmöglich gewesen, daß er wahrhaftig hätte sterben

ben können. Non cogitabat igitur vir doctus, quod fieri tamen omnino debebat, de neruo probationis ex vnione personali deriuatae. Is in eo nimirum situs est, quod per putrefactionem alterum vnitorum, vel certe aliquid eius, destructum fuisset, atque illud tum vel esse desiisse, vel cum alio commutatum, dicendum foret: quo admissio, vnio salua manere non potuisset. In hanc mentem breuiter *Balth. Meisnerus*: *Fieri, inquit, non potuit, vt personalis vnio maneret salua, & interim corrumpere vel putresceret corpus. Nam quod λόγος semel assumsit, neque deserit, neque cum alio commutat.* *Christolog. sacr. Disp. XXXIX. §. XI. p. 344.* Vidisset, ista si secum ε δεινὰ reputasset, syllogismum medio termino destitutum fore, si quis probare vellet, mortem aequae ac corruptionem omnem vnioni hypostaticae contrariari. Per mortem enim neutrum vnitorum tollitur, sed manet corpus aequae atque anima, atque adeo totum τὸ ἀνθρώπινον integrum: quare nec desiisse in triduo mortis esse verum hominem & θεῶν ἀνθρώπον, plerique adfirmant. Vid. *Abr. Calou. System. Tom. VII. p. 661. I. Ad. Scherzer. System. p. 241. I. C. Dannbauer. Hodosoph. p. 618. K1l. Rudrauff. Philosoph. Theol. Exhib. X. §. 17. seqq. p. 114. sq.* Adparet ex his, frustra etiam esse, quod additur: Nun aber bleibt der Theologische Satz unbeweglich feste: Gott ist in dem Menschen Christo Jesu gestorben und begraben, daher können wir auch wohl sagen, Gott ist in dem Menschen Christo Jesu verweset. Nisi enim, qua ratione, vnione salua, partium tamen corporis Christi διαλύσις destructiua fieri potuerit, edoceamur: posita tali corruptione, tam falsum foret, Deum in carne διαφθορὰν subiisse, quam vere, duce Scriptura, dicitur, Deum in carne mortuum atque sepultum esse. Itaque tantum abest, vt ille μόνος ὁσίος Dei Filius in corpore assumpto corruptionem sensisse dicendus sit, vt potius hoc ipsum

ipsum corpus assumptum, eo quod per hanc assumptionem *Dei sancti corpus* sit, corrumpi minime potuerit.

§. XIIIX.

Deinde vero sanctitatem etiam, quae *humanae naturae* propria, titulo *ἁγιότης* simul comprehensam, non dubitamus esse eiusmodi, ut *ἁγίασμα* privilegium corpori sanctissimo conciliare omnino debuerit. Siquidem corruptionis humanorum corporum physicae necessitatem omnem ex corruptione morali, seu peccati labe, deriuandam esse, orthodoxis in confesso est. Illud igitur ex Maria Virgine *γεννώμενον ἅγιον*, ut corruptionis moralis omnis expers, ita physicae etiam corruptionis legi minime obnoxium censeretur debet. Et mortem licet, propter peccata hominum expianda, sponte sua, atque ex consilio diuino liberrimo, subierit: corruptionem tamen ut subiret, quum non aeque illud satisfactionis pro humano genere praestandae ratio requireret, fieri per illam perfectissimam naturae sanctitatem non poterat.

Quum mortem aeque ac corruptionem corporis destructionem sacram Scriptura ubique ad peccatum referat, tanquam ad causam suam, Gen. II. 17. Rom. V. 12. I. Cor. XV. 56. & perfectam obedientiam, vi promissorum summi legislatoris, sequi non potuerit nisi perfecta vita, Leu. XII. 5. Luc. X. 28. neque etiam ante corruptionem peccati moralem, in homine ad imaginem Dei, & qua corpus etiam, cum partium atque humorum summa *ἐντέλειαν* condito, Gen. I. 26. 31. mortis aut corruptionis physicae causa vlla, seu interna, seu externa, proxima saltem, locum habere potuerit: vicissim vero per peccatum affectus

inordinati, atque ex his motus etiam in corpore inordinati, corruptionem partiumque destructionem minantes, orti fuerint: hinc magno consensu Theologi orthodoxi contra *Pelagianos*, *Socinianos*, *Arminianos*, *Cocceianos*, *Peyrerium*, & e nostris etiam *Puffendorfium* & *Helmstadiensium* veterum nonnullos, mortem cum corruptione corporis eam subsequente, non essentiae hominis aut naturae incorruptae, sed peccati aut naturae corruptae sequelam esse, nullo non tempore asseruerunt. Vid. *Abr. Calou. System. Tom. IV. p. 728. & Considerat. Arminian. p. 136. seqq. Io. Andr. Quenstedt. System. Part. II. Q. VI. p. 31. seqq. Q. IIX. p. 43. seqq. Io. Gerhard. in Locis Theol. Tom. IIX. de morte §. 39. I. C. Dannbauer Hodosoph. p. 473. Aeg. Strauch. Consens. repetit. vindicat. p. 138. seqq. Kil. Rudrauff. in Summ. Theol. Thet. p. 436. de nouiss. Th. II. §. 2. Gust. Ge. Zeltner. Breuiar. controu. cum Remonstrant. agit. Contr. XVII. p. 132. seqq. Chr. Matth. Pfaff. Schediasm. de morte nat. p. 37. seqq. & Io. Gust. Reinbeck Meditat. in Aug. Conf. Part. II. Medit. XXXII. §. III. seqq. pag. 338. seqq. Igitur humanam Christi naturam, ab omni labe morali immunem, qua corpus etiam, non per naturae corruptae ordinem, sed singularem Spiritus sancti ἐπιλευσιν supra naturam ortum, (Conf. Io. Frid. Mayer. Dissert. Vtrum Christus fuerit in lumbis Adami peccantis? & eiusdem Dissert. select. I. Append. p. 36. seqq. it. Casp. Herm. Sandbagen Cogitat. ad loca difficil. N. T. p. 465. not.) δυσκρασίας omnis & inordinatorum motuum prorsus expertem, mortis legi & corruptioni per se esse exemptam decebat. Si quidem eam nec ut poenam meruerat, nec ea, quae piorum ex hac vita discedentium conditio est, ut beneficio egebat, a labe contracta corpus liberaturo. Id quod Theologi volunt, quando Christi corpus non subiisse corruptionem dicunt ob summam carnis eius sanctitatem, quae non eguit putrefactione ad extirpandum peccatum.*

catum, vt habet *Casp. Er. Brochmandus Syft. Theol. c. l.* Mortem tamen vt per voluntariam oeconomiam ac dispensationem, propter peccata mortalium sibi imputata, libere subiret, eo factum esse docemur, quod iustitiae diuinae rationes requisierint, vt διὰ τοῦ θανάτου potestatis inferorum destructio nostraque redemptio perficeretur, Hebr. II. 14. 15. IX. 15. 16. Hinc ἐντολήν se a Patre habere dixit, vt vitam poneret, Io. X. 18. & voluntate Dei factum esse Paulus testatur, vt sanctificaremur per oblationem corporis Iesu Christi semel factam Hebr. X. 10. De corruptione vero corporis iam extincti, per easdem iustitiae regulas requisita, vt nihil memoriae proditum diuinis literis legimus, ita tantum abest, vt ἐντολήν aut θέλημα τῶ πατρὸς corporis sui destructionem requisuisse persuasum habuerit, vt potius, sanctitatis suae ratione habita, Patrem eam non permissurum esse, totus consideret. Recte igitur Thomas pronuntiauit Part. III. Quaest. LI. Art. 3. *Corpus Christi non fuit conueniens putrefieri, vel quocunque modo incinerari, quia putrefactio cuiusque corporis prouenit ex infirmitate naturae illius corporis, quod non potest corpus amplius continere in unum. Mors autem Christi non debuit esse ex naturae infirmitate, ne crederetur non esse voluntaria, & ideo non ex morbo, sed ex passione illata voluit mori, cui se obtulit sponte. Et ideo Christus, ne mors eius naturae infirmitati adscriberetur, noluit corpus suum qualitercunque putrefieri, aut qualitercunque resolui: sed ad ostensionem virtutis diuinae voluit corpus illud incorruptum permanere.* Et huius mihi diuini consilii omnino videtur respectus fuisse in carne sacrificiorum V. T. quae & integra esse debebat, & nece violenta interire, cum effusione sanguinis, sed offerenda recens erat, antequam putrefactionem subire posset. Vnde ea forte Talmudicorum παράδοσις, carnes sanctuarii foetuisse nunquam, cuius meminit Io. Wolfius Lect. memorab. Centen. III. p. 91.

§. XIX.

Iam id vnum restat, vt ad titulum τοῦ ἱεροῦ, singulari cum emphasi sacerdoti N.T. summo proprium, ipsumque adeo Messiam συνωνύμως designantem, respiciamus. Est quippe in huius etiam conditione *muneris* ratio sita, cur non permitteret Deus, carnem eius corruptionem experiri. Siquidem eum ἀρχιερέα εἰς τὸν αἰῶνα constitutum non decebat, aliqua sui parte vel ad tempus interire. Et oblatione quidem corporis sanctissimi semel facta, non corruptione, ille negotium omne satisfactorium perficere, ac consummare sanctificandos debebat. Qua oblatione facta, non erat, quod in peccatorum humani generis ἀπολύτρωσιν iustitia diuina amplius requireret. Igitur nec corruptionem corporis fieri requirebat, sed necesse erat, corpore integro illum sanctum Iehouae sacerdotem in sacrarium ingredi: ceteris, quae mortem inter & extremum exaltationis gradum intercedebant, ad meritum quidem, non ad expiationem, aut satisfactionem pro peccatis, pertinentibus.

Sacerdotium Christi ex diuina constitutione aeternum, sacerdotem etiam ipsum εἰς αἰῶνα permanentem exigebat. Ps. CX. 4. Hebr. VI. 20. VII. 17. 21. 24. 28. Et hoc nomine videmus eum, tanquam praerogatiua insigni, contradistinctum Veteris Testamenti sacerdotibus, quod mors eos permanere prohibuerit. Ib. Cap. VII. 23. 24. Oportebat itaque personam mediatoris secundum vtramque naturam, (nam secundum vtramque sacerdos est,) manere integram, nec morte ipsa, quo minus permaneret, prohiberi. Nec obiici poterit, (quale quid ad locum i. Petr. I. 18. de sanguine Christi φθαρτοῦς opposito

noster obvertit,) non de substantia, sed virtute permanente verba intelligi debere: quum non virtutem equidem sacerdotii veteris morte aboleri sacerdotum, Apostolus voluisse existimari possit; sed personas utique sacerdotio fungentes. Quod ipsum vero nostri summi sacerdotis opus expiatorium, oblatione corporis semel facta, id est, morte consummari debuisse diximus, Paulo itidem doctore didicimus, Hebr. X. 10. 12. 14. qui expresse etiam Cap. IX. eiusdem epistolae Comm. 15. in hoc constitutum noui foederis mediatorem (הַכֹּהֵן הַגָּדוֹל sacerdotum summum,) ait, *ὡς γενόμενος*, morte semel facta, (non corruptione simul interueniente) in redemptionem peccatorum, quae sub priori testamento fuerant, promissum sempiternae hereditatis vocati acciperent.

CAPVT ALTERVM

DE MONITORIS ANONYMI DVBIIS NOVAE-
QVE INTERPRETATIONIS FIRMAMEN-
TIS DISQVIRENS.

§. I.

Vidimus, quid recepta Theologorum nostratium de sensu oraculi Daudici sententia ferat. Et eandem, ni fallor, deprehendimus vi vocum naturali & emphasi sacrae phrasidis inniti, quae sic comparata, ut restringi ad corruptionem tantum finalem aut plenariam non patiatur, nisi forte exceptione omni maiora sint, quae restrictionem fieri urgeant. Quum eiusmodi

vero nonnulla sibi reperisse visus fuerit noster Anonymus, quae, de noua interpretandi ratione vt cogitaret, in caussa fuerunt: in ea, fas est, qua fieri tamen breuitate potest, inquiramus.

Nimirum ita satisfieri conuenit desideriis viri docti, scrupulos sibi eximi postulantis p. 554. hac praesertim ratione addita: Weil kein einiger von allen Theologis, deren ich nicht wenige hiervon nachgeschlagen habe, die Objectiones, daher das Dubium bey mir entstanden, angeführet oder beantwortet hat.

§. II.

Sunt autem ista non vnus generis, facili negotio in distinctas classes secernenda, nisi satius videretur, haud interrupta serie, auctorem, nouem positionibus, quidquid exortum aut dubii aut exceptionis fuerat, complectentem, pressius, &, quod aiunt, κατὰ πόδα insequi. Vbi primo quidem ex analogia fidei ratio- cinium duci deprehendimus, quae requirere videatur, vt, quidquid est *poenae peccati*, consequenter & *corruptionem*, mediator subiisse credatur, mansuram, absque eo si esset, in perpetuum miseros mortales.

Ita nimirum ille p. 554. 555. i. deucht mir, es könne solches mit der analogia fidei nicht wohl bestehen, wenn man die Verwesung des Leibes und Blutes Christi ganz und gar verwirfft. Sintemahlen die Straffe, welche Gott auf die Sünde legte, nicht nur diese war: Du solt des Todes sterben, sondern auch: du solt zur Erde werden. Soll uns nun diese Straffe nicht ewig treffen, so hat sie der Herr Jesus an sich für uns wahrhaftig büssen müssen, wenn wir davon dermahleinst in der

der Auferstehung sollen befreiet werden. Hat er aber gar keine Verwesung gelitten, so ist unsere Verwesung auch nicht aufgehoben.

§. III.

Verum hic non vnum est, de quo monere debemus novum interpretem. I. Dubitari posset, num corruptio, *morti contradistincta*, merito pro poena reputetur peccati, quam poenae potius adiunctum aut sequelam diceremus: quum corpori quidem anima casso poena proprie infligi nequeat, animus vero in statu separato quomodo corporis sui destructione afficiatur, iudicatu difficile sit. Animas certe damnatorum credimus facilius cadauerum suorum interitum, quam resuscitatorum corporum cruciatus perpetuos laturus. Praeterea II. & in eo noster fallitur, quod corruptionem *perpetuo duraturam* videtur peccati poenam statuere: quum constet, non interitum aut destructionem corporis perpetuam, sed dolores & sensum malorum infernalium perpetuum, sententia legislatoria peccatoribus definitum esse. Nullus igitur in hoc ratiocinio nexus: Si Christus corruptioni nullo modo fuit obnoxius, sequitur, nos in perpetuum corruptioni fore obnoxios. Aut animpios etiam noster credet isto sui corporis interitu, *vi corruptionis*, quam vellet, Christi *meritoriae*, liberos praestari? Tandem III. quod πρῶτον hic ψεῦδος est dubitatoris, poenarum omnes species & modos sponsores in persona sua sustinere debuisse, gratis supponitur. Id enim si verum esset, morbos etiam corporis, nec crucifixionem saltem, sed suppliciorum omne genus, & ignes etiam inferorum, im-

immo corruptionem, ea si poena peccati sit, non aliqualem tantum, aut initialem, sed omnimodam, totius compagis destructiuam, corpore sanctissimo subire necesse habuisset, quod oppido falsum. Non igitur analogia fidei magis requirit, Christi corpus ut corruptioni statuatur fuisse obnoxium, quam ut morbos aut poenarum modos alios subiisse credatur.

Quum mortis poenam minaretur homini, legem transgressuro, legislator summus Gen. II. 17. nihil equidem legimus de corruptione additum. Quod vero post lapsum Adamo dicitur: *Cum sudore vultus tui comedes panem, donec redeas in terram, quia sumtus es de ea: pulvis enim es, & reuerteris in puluerem*, Gen. III. 19. illud si sanctionis poenalis rationem habere existimauerit noster, non aequae omnes consentient. Promisso siquidem redemptore, quas vniuerso generi humano, in peccati & promissae liberationis memoriam perpetuam, castigationes obuenturas praenuntiat, poenae, sensu saltem proprio, dici non possunt, nisi eorum respectu, qui liberatorem fide non sint recepturi. Sed si tamen, poenam hac sententia legislatoris indici, concedatur, saltem non hic διαφθοράν, ut poenam a morte corporis distinctam, commemorari videas, sed vna phrasi, *reditus in terram seu puluerem*, mortem cum corruptione subsequutura simul comprehendendi. Licebit igitur, resolutionem corporis in puluerem poenae potius adiunctum aut consequens, quam poenam ipsam reputare: aut, si mauis, mortem cum aliis, ut *ens morale concretum*, spectaueris, quod plura comprehendat, quorum nonnulla per necessitatem naturae corruptae, diuinamque etiam oeconomiam, Christi satisfactione tolli non potuerunt, & inter ea *reditus in puluerem*. In quam sententiam leg. Unsich. Nachr. 1702. p. 28. 29. (36. 37.). Interim eam seu poe.

nam; seu poenae sequelam aut adjunctum, absque Christi merito si sit, *perpetuo duraturam* existimare non debemus. Equidem ita ut secum statuerent Theologi, e nostris etiam nonnulli, impios vi meriti Christi resurrecturos docentes, hac ipsa hypothese, quae paucis se tamen probavit, inducebantur. *Henr. Boetium* Helmstadiensem, *Casp. Er. Brochmannum*, & *Phil. Lud. Hannekenium* ea constat opinione fuisse, quorum hic in *Diff. cui tit. Contemplatio resurgentium ex morte hominum*, Giesae 1692. habita, *Contempl. II. p. 5. 6. non aliam corpori fuisse expectandam mortis sententiam, praeter eam, quae est resolutio in pulverem*, non dubitabat asserere. Verum, pace tanti viri, nobisque multis nominibus, & singulari etiam cognationis lege post fata venerandi, istud, ut paucis persuasum est, sic difficulter persuaderi intelligentibus posse, existimamus. Quandoquidem quidquid est fructus meriti Christi, ad solos credentes scriptura pertinere docet, nec quae, ordinata ad iudicium & condemnationem aeternam, *Dan. XII. 2. Io. V. 29. in poenam* contingit, resuscitatio causam meritoriam aliam, praeter peccatum & *ἀπὸ τῆς* finalem, agnoscere potest. Quibus & illud accedit incommodum, quod, si, seposito Christi merito, nulla futura poena sensus, qua corpus, aeterna fuisset, neque pro ea satis fecisse Christus, quin procurasse eandem, dicendus foret. Relegenda, quae contra *Boetium* ex instituto disputans *Frid. Balduinus* memoriae prodidit, (de qua controuersia *Hier. Kromayerus* refert *Hist. Eccl. Sec. XVII. p. 649. & Andr. Caroli* Memorabil. Eccles. seculi eiusdem Part. I. Lib. II. Cap. XII. p. 327.) praetereaue *Io. Gerhard. Tom. IIX. loc. de resurr. §. 55. seqq. Io. Ad. Scherzerus* System. Theol. p. 877. nec non in Progr. singulari, quod legitur in eius Progr. iunctim editis Lips. 1679. p. 225. *Abr. Calouius* Syst. tom. XII. p. 120. & *Kil. Rudrauffius* in Syllo-

ge Controu.Theol. p.646. seqq. Adhuc igitur consecutio fallit, corpora nostra a corruptione nunquam liberanda fore, nisi Christi corpus corruptionem subierit. Quod vero vltimo loco monuimus, precario lumi, quidquid Christus perpeffus non fuerit, ab eo nos liberari non posse eius merito, facile per instantiam morborum corporis, qui mortis prodromi sunt, efficitur: quemadmodum & alia sunt innumera calamitatum genera, in quibus poenam peccati haud inuitus agnouerit auctor, & a quibus liberandi sunt olim in perpetuum electi, vi meriti Christi, qua fit, vt neque nunc poenae rationem habeant ea mala, piis inflictā, neque tamen iis omnibus saluatorem optimum afflictum esse, probari poterit. Audiat, qui dubia sua haftenus Theologis intacta credidit, Io. Andr. Quenstedium Diss. de vulneribus Christi Cap. II. quaest. III. §. 8. Sed nec intererat humanae salutis, vt, qui a corruptione aeternum duratura nos vindicandos sibi sumpserat, sanctissimum suum corpus huic malo per tempus subiiceret, quo mediatore sanctificata corpora aeterno exitio subtraherentur. Etenim, talis interitus, quo corpora nostra putredine tandem exedenda forent, nos non mansit ob peccatum; sed cruciatus, in igne inextinguibili, aeterni, durante corporis compage, & vermis conscientiae non intermoriturus. Es. 66. 24. Cui accedit, quod, si Christus omnes peccati poenarum species experiri necessum habuisset, a multis non essemus liberati. Sic vrendi adhuc foremus infernali igne, quia igne vstulatum fuisse Christum nullibi legimus. Eodem modo iustis etiam morbi adhuc poenae essent peccatorum, quos quoad speciem non sustinuit Redemptor noster. Sufficit in ipsum coniecta fuisse omnia nostra peccata, & languores, & disciplinam pacis fuisse super eum, vt liuore eius sanaremur, Es. 53. 4. 5. ac per eum quoque omnia diaboli opera destructa esse penitus 1. Io. 3. 8. Sit igitur antiquum malum,

ut diffuant in cruce suffixi, & τὰ σώματα ἀπολλύωσι: modo ne, omni vitio & macula vacuo, corpori Christi accidisse dicatur. Audiat & Schrammii nostrum Disp. cit. §. XV. p. 26. Obieceris, ait ille, Christum omnes poenas pro nobis subiisse, ergo & corruptionem. Sed hic dicitur, eam ne quidem vidisse, vel sensisse. Verum respondemus, poenas quidem omnes subiit, sed non omnes poenarum modos. Nec enim spinas & tribulos Christo germinavit ager, iuxta illud Gen. III. quem non habuit. Sic etiam sufficit, Christum sustinuisse mortem, ut per hanc in puluerem non abierit: quippe qui per illam immunitatem solus a ceteris distinguendus erat.

§. IV.

Quum nihil igitur adhuc in analogia fidei deprehensum sit, quod corruptionis in corpore Iesu initium concedere urgeat; ad alterum, age, progrediamur auctoris dubium, quod ex illa humanae Christi naturae ab Apostolo asserta κατὰ πάντα cum fratribus ὁμοιώσει deriuatur. Quandoquidem enim in confesso sit apud omnes, facta λύσει corporis & animi statim in carne & sanguine corruptionis initium fieri: idem etiam in corpore sanctissimo contigisse, per eandem ὁμοίωσιν, ad carnem & sanguinem praesertim relatum, dubitari non posse existimat.

Hauriamus iterum verba auctoris: p. 555. II. Ist es ja un-
streitig, daß, so bald die Seele im Tode vom Menschen ge-
schieden ist, Fleisch und Blut anfangs in die Verwesung zu
gehen. Nun mußte der Herr Jesus allerdings κατὰ πάλ-
τα seinen Brüdern gleich werden, Hebr. II. 17. welche
Worte sich ausdrücklich auf sein Fleisch und Blut v. 14. be-
ziehen. Ergo &c.

§. V.

Nimium vero illud confidenter scriptum est, ex quo anima seiuncta a corpore fuerit, statim corruptionis initium fieri; idque plane indubium atque *ἐξάγω-γιον* esse. Siquidem huic asserto & ratio & experientia reclamant. Eam etenim craseos & texturae partium corporis destructionem intimam, quae putrefactio, & defunctorum corporum corruptio dicitur, per motum intestinum partium fluidarum, & inde exsolutas particulas foetidas, oleosas, lixivas, seu alcalinas, volatiles, fieri, periti rerum naturalium indagatores observant. Igitur, cum varia sint, quibus ille motus partium fluidarum intestinus sufflaminari, & impedita particularum oleosarum, volatilium, foetidarum exsolutione, naturalis illa partium crasis & textura praemuniri possit: facile intelligitur, ne per naturam quidem in omnibus eodem tempore corruptioni locum esse, quod & exempla confirmant innumera cadauerum, quae per aliquod tempus incorrupta reperta sunt.

Meretur hic in consilium adhiberi, quem supra laudavimus, *Chr. Frid. Garmannus* de miraculis mortuorum Lib. III. tit. I. de putredine cadauerum, & tit. II. de cadauerum incorruptibilitate & mumiis. Exemplis, quae commemorat ille, addi potest, quod in Chorographia Siciliae *Marius* memoriae prodidit pag. 9. Panhormi in Sicilia tria mulierum, ante CCXC. annos in carcerem quendam subterraneum coniectarum, cadauera inuenta esse, nulla adhuc putredine vitata, integris cum vestibus, sericisque calanticis. De metallifossore quod narrat *Garmannus*, post LX. annorum decursum incorrupto, tit. II. §. 20. huic similia ex *Dückberi* *Chronic.* Salisburg.

p. 12. de viro e salinis Dürnbergensibus prope Hallein
an. 1573. & alio 1616. effosso, quorum ille media aestate
per aliquot hebdomadas, hic per annos aliquot incor-
ruptus asseruatus fuisse dicitur, legas in Part. IV. der
ausführ. Historie der Emigranten aus dem Erz-Bisthum
Salzburg Cap. II. p. 10. Nec praetereunda, quae Bremae
ad templum cathedrale, in loco subterraneo, cui a plum-
bo vulgus nomen dedit, cadauera visuntur, a multis re-
tro annis, immo plus vno seculo, integra. Caue tamen
ista perfecte imputrescibilibus connumereres. Nam &
exsiccatio quaedam putrefactionis species est, monen-
te Garmanno §. 2. p. 944. Neque vero dubitamus gratum
fore lectoris, si hoc loco relegant, quae, sciscitanti-
bus nobis, pro ea, qua in nos est, humanitate singu-
lari, erudite rescripsit, D. Werlhofius celeberrimus, a-
micus certissimus. *Es kan niemand beweisen, ita nimi-
rum ille vir doctissimus, dass der Augenblick des Todes
auch der Augenblick des Anfangs der Verwesung seyn
müsse. Die Seele ist nicht das unmittelbare Band, das die
Theile des Körpers zusammen hält, und für Verwesung
bewahret, sondern die Verwesung kan im Leben, und
nach dem Tode, bald früher, bald später angehen, nach-
dem es die körperlichen Umstände mitbringen. Der
menschliche Körper bestehet aus flüssigen und festen Thei-
len. Wenn die flüssigen Theile durch innere Bewegung
so aufgelöset werden, dass stinckende, öblichte, und flüch-
tige laugesaltzige Theile hervorbrechen, nennet man
solches eine Fäulung. Wenn also faulende flüssige Theile
auch durch ihre innere Bewegung die festen angreifen,
und derselben innersten Zusammenhang zerreißen, dass
gleichmässig daraus particulae foetidae, olcosae & alca-
linae volatiles hervorbrechen, so ist dieses die Fäulung der
festen Theile des Körpers. Und das ist die Art der Ver-
wesung, wo on hier die Rede ist. Denn Verwesung, cor-
ruptio, ist überhaupt destructio intima texturae partium*

corporis, sie geschehe durch Feuer, Zerquetschung, Fäul-
 niss, äussere oder innere Gewalt. Fäulung aber, putre-
 factio, welche ordentlich den todten menschlichen Körpern
 von selbst, durch innerliche Bewegung, wiederfähret, ist
 eine Verwesung, corruptio, destructio intima craseos & tex-
 turae partium fluidarum & solidarum, per motum intestinum
 fluidarum, & inde exsolutas particulas foetidas, oleosas, li-
 xiuas (sive alcalinas), volatiles. Die flüssigen, und die
 festen, aber weichen, und Feuchtigkeiten in sich halten-
 de Theile des menschlichen Körpers sind sehr zur Fäulniss
 geneigt, weil sie gar viele, und leicht durch innere Be-
 wegung zu entbindende particulas oleosas & volatiles in
 sich halten, und wo nicht ein beständiger sanfter motus
 progressivus der Säfte den motum intestinum, welcher bey
 stockenden Feuchtigkeiten gar leicht überhand nimmt,
 mässiget, und die etwa nichts desto weniger sich entbin-
 denden particulas putridas durch gehörige Wege austrei-
 bet, damit andere nicht davon angegriffen werden, so ent-
 steht gar leicht ein Verderben, das den Weg zur Fäu-
 lung bahnet, ja bald die Fäulung und Verwesung selbst.
 Daher kommt es, dass der Körper nach dem Tode, da die
 Circulation, der motus progressivus oder Fortgang der
 Säfte, aufhöret, so leicht und bald faulet und verweset.
 Es giebt aber die gesunde Vernunft und Erfahrung, dass
 das alles eine latitudinem hat, und nicht in allen Körpern,
 zu allen Zeiten, an allen Orten gleichmässig geschehe.
 Man kan nicht sagen, dass die Verwesung angehe, bevor
 crasis & textura partium destruiet wird. Was nun die
 natürliche Verbindung der Theile etwas länger wieder die
 Macht des motus intestini fluidorum, der von der Befrey-
 ung der particularum aerearum & ignearum herkommt,
 schützen, diesen mässigen, und die Entbindung der par-
 ticularum oleosarum volatilium foetidarum verhüten kan,
 das schiebet die Verwesung des todten Körpers auf. Na-
 türlich wäre es also, dass ein sehr gesunder, durch ge-
 walt-

waltsamen Tod in den besten und stärcksten Jahren hingewissen, durch starckes Blutvergiessen von dem, was am meisten und ersten zur Fäulniß geneigt ist, befreyer, und bald in ein trocknes, kühles, felsichtes, für der äussern Luft fest verwahrtes Grab gelegter Körper nicht so fort angefangen zu faulen und zu verwesen, sondern bis an den dritten Tag dafür bewahret geblieben. Hat man doch unzählliche Exempel von andern Körpern, die aus dergleichen und andern Ursachen weit länger für der Verwesung erhalten worden, und genug zeigen, dass die Seele nicht als ein Condimentum Corporis zu achten sey, welches so fort mit seiner Absonderung dem Körper die Macht nicht zu faulen mit wegnehme, sondern dass das Faulen und Nichtfaulen, das früher oder später Verwesen, auf körperliche Ursachen ankomme, welche unzählich unterschiedene Einschränkungen, Grade ihrer Würckungskraft, und Zeiten des Anfangs ihrer Würckung leiden.

§. VI.

Quum igitur, eo subruto fundamento, vix ac ne vix quidem probari possit, per naturam fieri nequivisse, quin corruptionis initium in corpore Christi sepulto locum haberet; nihil etiam ex ista naturae humanae Christi cum fratribus ὁμοιότητι aduersus eam, quam propugnamus, sententiam efficitur. Praeterquam quod ea ὁμοιότης non corruptionis actum, sed possibilitatem saltem, eamque remotam, inferre possit, nec ad ea, quae post mortem in sanctissimo corpore euenerunt, extendenda sit. Ne dicamus de potentia Dei extraordinaria, & naturae, cum diuina coniunctae, sanctitate absolutissima, atque ex ea ipsa coniunctione illata corruptionis impossibilitate, de qua cap. I. exposuimus.

Pos.

Possibilitatem diximus *remotam*, qualis fere in Adamo integro fuit, quem in statum mortalitatis, atque adeo corruptionis, transire, non necesse equidem per naturam, at nec impossibile simpliciter fuerat. Quod & voluisse crediderim ex Patribus illos, qui statum quendam primi hominis inter mortalitatem & immortalitatem medium statuebant. De quibus Rev. Io. Chr. Wolfius monuit Not. ad Lib. II. Theophili Antioch. ad Autolyicum p. 187. seq. & quos ibidem laudat, Petavius, Hubertus, Vossius, Dodwellus. Accedit tamen in humana servatoris nostri natura, propter ἀναμαρτησίαν absolutam, perfectissima corporis εὐκράσια, per quam ne villo quidem tentatus morbillo creditur, quod contra Bartholinum tuetur Quenstedius plus semel citata de vulneribus I. C. Dissert. cap. II. qu. III. §. 9. & praeterea, intima illa cum persona τοῦ λόγου coniunctio, per quam fieri non potuit, ut pars aliqua naturae assumptae destrueretur. Ex quo, positis etiam causis naturalibus, quibus corpus a corruptione integrum praestari potuisset, sanguinis certe & effusi affatim & dispersi conservatio potentiae ὑπὲρ πάντα ἐκ περισσῆς operanti iure meritoque tribuitur. Illam igitur, de qua S. Paulus praecipit, naturae ὁμοίωσιν ad infirmitates quidem humanas, (non personales tamen illas, sed naturales) pertinere, ut non negamus; ita neque ipsum corruptionis actum ea inferri, concedimus, neque possibilitatem etiam, nisi remotam, qua, nisi alia obstiterint, per naturam corpus corrumpi, absolute impossibile non fuerit.

§. VII.

Iam quod *tertio* loco noster promit, non tam sponte subortum dubium, quam hypotheseos, sibi quae se probauerat, quaesitum praesidium, dixeris.

Ni.



Nititur quippe singulari verborum Ps. XXII. 16. exe-
gesi, qua in puluerem mortis collocari idem esse puta-
tur, quod in tumba corruptionem subire, resolui in pulue-
rem mortuorum instar. Eamque interpretationem col-
latione loci Iob. XIV. 8. efficere conatur, vbi in pulue-
re emori truncus dicatur, habito respectu ad resolutio-
nem corporis humani in sepulcro, vi v. 10. seqq. Op-
portune etiam LXX. seniores pro $\tau\omicron\upsilon\beta\alpha$ ἐν πέτρᾳ sub-
stituisse videbantur, quo modo ἐν πέτρᾳ τελευτᾶν com-
mode corpus Saluatoris diceretur, in monumento e pe-
tra exciso corruptionis initia sustinens.

Haec ille c. l. p. 555. 556. III. Spricht der Herr Christus selbst
Ps. XXII. 16: Du legest mich in des Todes Staub. Die Ex-
plication derer Exegeten gehet in ihren Commentariis
dahin, daß diese Redens-Art also zu verstehen sey: Er werde
nach seinem Tode in die Erde des Grabes gelegt werden.
Wenn ich meine wenige Gedancken über diese Worte eröff-
nen soll, so halte dafür, sie können am besten erkläret wer-
den aus Hiob XIV. 8. Sein, nemlich des Baums, Stamm
erstirbt im Staube. Mit welchem Gleichniß er auf die Ver-
wesung des Menschen ziele, wie v. 10. seqq. deutlich gezeiget
wird. Daß also auch hie Christus von seiner Verwesung redet.
Versio LXX. hat die angezogenen Worte Hiobs gege-
ben: Sein Stamm erstirbt im Stein-Felsen, welche Redens-
Art man garfüglich von Christo sagen kan, Er sey in
dem Grabe, so aus einem Stein-Felsen gehauen, erstorben,
verweset.

§. IIX.

At enim vero, si dicendum, quod res est, ne mi-
nimam quidem his probandi vim inesse iudicamus.

Nec satis erat, quid sibi de loco Psalmi vicefimi secundi, contra communem interpretum sententiam, videatur, indicasse, nulla dissensus ratione addita. Eam vero nec in Iobi verbis facile quisquam agnouerit. In his, non negamus, respectum esse ad hominem in statu mortuorum constitutum: siue hic spes arboris & hominis sibi opponantur inuicem, siue a minori ad maius argumentatio sit, quod fere recentiores volunt interpretes. Attamen ea phrasi praecise ad corruptionem corporis sepulti, qua resoluitur in puluerem, respici, gratis iterum assumitur. Nec enim trunci, per destructionem partium intimam, putrefactio est, quam *trunci in puluere mortem* vocat; sed destructionem illam antecedens virium consumptio, & succesuua virtutis vegetatiuae extinctio, quam truncus subit etiam ex ea parte, quae בעפר in puluere seu terra existit. Ad *mortem* igitur potius, quod & natia verbi ימות significatio suadet, quam ad corruptionem corporis iam mortui ista phrasi respici, nec per *similitudinem* tamen aut *tropum*, quo pacto *arbor*, quod noster velle videtur, *hominem* significaret, verum per oppositionem potius aut vnus ad alterum collationem, dici debebat. Et suauiter sibi ista respondent v. 7. & 10. יכרת de arbore & de homine ימות iterumque v. 8. & 10. de radice arboris ירקין & de homine יחלש, de trunco ימוש & de homine ינוע. Tantum abest, vt ad ista Iobi, pro phrasi Dauidica illustranda, confugiendum sit. Quemadmodum neque in hac ipsa quidquam, quod corruptionis in corpore Iesu quaedam initia inferat, deprehendimus: quum nihil obstet, quo minus, quod interpretum plerisque visum, veterum aequae ac recentior-

tiorum, adiudicatio ad mortem & sepulturam diuinitus facta, collocatio in puluerem mortis, satis quidem commode dicta putetur.

Steuchus quidem (quod in enarrationibus ad locum Davidicum *Henr. Mollerus* monuit,) עפר מות *puluerem mortalem* interpretatur, in quem homines post mortem resoluntur. Quod num eadem etiam, qua noster Anonymus, mente fecerit, reuera Christi corpus aliquid corruptionis subisse credens, non habeo dicere. Praeter interpretum tamen fere communem consensum, res ipsa loquitur, collocari, deponi in puluerem rectius de sepultura, quam, quae eam sequi solet, putrefactione, dici, qua iam positum in puluere corpus in puluerem abit ipsum. Quis ferret enim, defunctum in suum ipsius puluerem positum, dici? Et tamen, sic nisi statuatur, in עפר מות non tam corruptionis propriae, nedum certo secuturae indicium, quam loci, in quo collocatur funus, descriptionem, contineri, fatendum est. In sepulcris nimirum & terrae pulueri (Exod. II. 16. 17.) & dissolutorum cadauerum locus est. Neque etiam עפר מות sed עפר מות dicitur, quo nomine completi utrumque, nil prohibet. Recte igitur interpretes non corruptionem, sed delationem in terram sepulcri respici, iudicarunt. Et conueniunt phrasēs v. 30. huius psalmi, descendere in puluerem (saltem ex eorum sententia, qui mortuos ibi aut morti vicinos indicari existimant,) Ps. CXLIII. 3. habitare me fecit in tenebris instar mortuorum, iterumque Eccles. XII. 5. abit homo in domum seculi (nisi hic aeternitatis locum aut statum respici malueris). Neque multum illud Neronis abit, quum, periculo imminente, & hortante liberto, ut in specum egestae arenae concederet, negauit, se viuum sub terram iturum, apud *Suetonium* Lib. VI. Neron. Cap

XLIIIX. ad mortuorum indubie non corruptionem, sed
 sepulturam, respiciens. Quae cum ita sint, vix equi-
 dem, nisi vt hypothefi feruiret, loco per fe minime ob-
 scuro ex Iobi verbis lucem afferendam putasset Anony-
 mus. Quae tamen ipfa, vt ad trunci in terra putrefa-
 ctionem referantur, nulla nos vrget neceffitas. Mori
 dicuntur arbores, dum vis earum vegetatiua euertitur.
 Quod fieri potest, quando ficcitate magna incidente,
 exarescunt, succo fenfim deficiente: quo respicit Iobus
senio radicum consumptionem comparans, priori ver-
 fus hemistichio. Vid. *Seb. Schmidius* ad h. l. Adde fis,
 quae de plantarum vita, morte & morbis, inter
 veteres *Theophrastus* scripsit lib. IV. Hist. plant. cap. XIV.
 seq. comparatis, quae *Sam. Bochartus* commentatus est
 Hieroz. part. I. lib. I. cap. I. init. Non igitur mors trunci
 statim putrefactio est. Neque hic per *אֵפֶר* puluerem
 ligni iam consumpti auctor dixerit intelligi, aut trun-
 cum in terra iacentem respici, cui nulla spes reflore-
 scendi, aqua affluente v. 9. Restat, ut in terra defixum,
 fenfim succo & viribus deficientem, tandemque morti
 proximum, Iobus in animo habuerit. Adhuc vero in eo
 magis fallitur noster, quod *similitudine* arboris homi-
 nem denotari existimat, scribens: Mit welchem Gleich-
 niß er auf die Verwesung des Menschen ziele. Non in eo
 enim erat Iobus, vt, quae homini contingunt, hic sub
 imagine arborum pingeret, sed vt, quae contingunt ar-
 boribus v. 7. 8. 9. cum iis conferret, quae hominibus
 eueniant v. 10. seqq. Siue in his oppositionem statuas,
 qua spes quidem arbori, homini vero nulla, reditus
 saltem ad hanc vitam mortalem, esse dicatur, quod fere
 communiter tradunt interpretes, & post *Schmidium*
 etiam recentiores inter *Io. Henr. Michaelis* notis ad Ha-
 giograph. h. l. siue contra, pro adstruenda melioris vi-
 tae spe, a minori ad maius collectionem institui existi-
 mes, quae sententia se probauit *Io. Adolpho Hoffmanno*,
 eius-

eiusque editori, *Herm. Sam. Reimaro*, ad h. l. p. 451. & 459. *Theoph. Alethaeo* in der Erläuterung dunkeler Derter, LVI. Vers. p. 466. seqq. *Georg. Christoph. Dachselio*, Bibl. accentuatis p. 563. Ne illud nunc magnopere urgeamus, quam parum conuenienter corpus iam emortuum in puluere emori, & Christi corpus iam ἀποθανόν in saxo monimenti τελευτῶν dicatur. Quidquid sit de phrasi hic, vt saepe alias, dormitantium LXX. interpretum.

§. IX.

Ex his facili etiam negotio iis satisfieri poterit, quae sub Numero IV. legimus, ex similitudine mortis Christi & fidelium, a Paulo asserta, consequi, illud etiam de morte Christi verum esse, quod de morte piorum scriptum est: σπείρεται ἐν φθορᾷ, vt hac ratione ipse sit verum illud tritici granum, quod πεσὼν εἰς τὴν γῆν ἀποθανεῖν dicitur. Quasi vero illud apud omnes satis exploratum atque compertum sit, illud ὁμοίωμα θανάτου ad mortem credentium temporalem pertinere, cui tamen oppido textus συναφεία repugnat; & similia sibi per omnia conuenire, necesse sit; nec mors Christi, qua in terram cecidit, morti grani sub terra comparari possit, cui ipsa dissolutio mors est, quum in homine haec sint distincta. Leuiora sane sunt haec, quam vt iis immorari debeamus.

Habeas tamen, vt iudicare possis, verba auctoris p. 556. IV. Saget Paulus Rom. VI. 5. Wir werden mit Christo gepflanzet zu gleichem Tode. Nun heißt es 1. Cor. XV. 42. Es wird gesäet verwestlich. Soll nun eine Gleichheit seyn zwischen Christi und unserm Tode, so hat er auch als das rechte Weizen-Körnlein verwestlich gesäet werden müssen, und

NB. *ersterbent*, wie er selbst redet, Ioh. XII. 24. Sane verba Rom. VI. 5. vt per accommodationem homileticam ad mortem corporis referri possint: eam tamen Apostoli mentem fuisse, & verborum sensum literalem, vix quisquam in animum induxerit interpretum. *Thummio*, Christum nobis similem factum quoad mortem ipsam & sepulturam, non eius modum, quia corruptionem non viderit, scribenti, *Iustus Fewrbornius* regeffit, corruptionem non esse modum sepulturae, sed adiunctum hominis mortui & sepulti, *Κεχωρισγῆς*. Sect. III. Cap. XIII. n. 5. p. 93. seqq. Idem nostro etiam responderi poterit de similitudine mortis Christi & hominum. Loci Io. XII. 24. scopus erat mortis Christi non modum, sed necessitatem & vtilitatem docere. Videtur tamen cum Anonymo sensisse Reformatus interpres *Lampius* scribens: *Quoad sepulturam autem Iesu corpus cadere in terram adumbrat corpus humo conditum, & emori dicitur, per externarum exuiarum destructionem, ac omnis mortalitatis omniumque terrestrium corporis animalis partium consumptionem*, Comment. in Ioh. Part. II. p. 861. 862.

§. X.

Habet illud aliquam speciem, quod ex Act. XIII. 34. sub numero V. nectitur ratiocinium: si *μηκέτι* non amplius Christum *εἰς διαφθοράν* reuersurum recte dicitur, consequens esse, vt ante aliquo modo *διαφθοράν* subiisse concedatur. Atque hic sibi tandem veram verborum Ps. XVI. & Act. II. interpretationem reperisse videbatur Anonymus, ad locutionem insuper his geminam, Rom. VI. de morte Christi adhibitam, prouocans.

Si requiras & hic verba auctoris, haec sunt p. 556. 557. V.

Hat Petrus (Paulus scribere debebat) Act. XIII. 34. da er

von

von der Verwesung redet, gar merckwürdig hinzugethan: Er wird fort nicht mehr verwesen: Womit er den locum Ps. XVI. Act. II. deutlich erkläret. Paulus gebrauchet eben diese Redens-Art Rom. VI. 9. von dem Tode Christi, Er stirbt *ἐκέτι* hinfort nicht. Wie er nun wahrhaftig muß gestorben seyn, wenn er hinfort nicht mehr sterben soll, so muß er auch wahrhaftig verwesen seyn, wenn er hinfort nicht mehr verwesen soll. Videtur hic fontes haud inspexisse Anonymus, non illud *μηκέτι* solum, id si fecisset, nobis oppositurus, in quo non multum haeserint, qui contraria sentiunt, sed vel maxime etiam illud *ὑποστέφειν reuerti in corruptionem*, pro se allegaturus, quod vnum, si quid aliud, sententiae sibi probatae speciem conciliare videri poterat: quamuis ne sic quidem ab asserta corporis benedicti *ἀφθαρσία* omnimoda, pedem referre, necesse sit.

§. XI.

Subit nos hic admirari nonnihil auctorem, de seruanda adstrictissime vnius particulae *μηκέτι* frequentiori significatione sollicitum, cui tamen haud graue fuerat, in verbis oraculi Dauidici sensum admittere nimium quantum insolitum: de quo Cap. I. monuimus. Vult *ιδεῖν διαφθοράν* idem esse ac *corruptionem in perpetuum subire*, quasi *εἰς αἰῶνα* *ιδεῖν διαφθοράν* dictum fuerit. Quid si vero hic *μηκέτι ὑποστέφειν* *εἰς διαφθοράν* per ellipsin eandem, *non reuerti in corruptionem perpetuam*, significare diceretur? Egregie scilicet sic argumentationi consultum fuerit Apostolicae! At nobis hac potius via recta incedendum videtur, vt propter assertam diuinis oraculis Christi *ἀφθαρσίαν* omnimodam, illud *μηκέτι ὑποστέφειν* *εἰς διαφθοράν*, non ad inferendum
ali-

aliquod in corpore eius sepulto corruptionis initium inflecti debere, concludatur.

Ita fieri debere, ille noster non iuerit inficias, vt ex dictis clarioribus & sede argumenti propria, eorum, quae dubiae magis sunt interpretationis, & scopo diuerso prolata, sensus determinetur, non vt ex his illis inflectendis vis adhibeatur. Vidisset haud dubie, nisi ex his, quae discussimus haecenus, dubiorum nebulis, aliena praeconcepisset animus, quae Dauides vaticinatus in hanc rem fuerat, satis clara esse, accedente praesertim allegatione Apostolica, & Petri Act. II. & Pauli hoc ipso Cap. XIII. sed v. 35. coll. V. 37. vbi expresse, *ἐκ τῆς διαφθορᾶς*, de Christo dicitur. Nihil sane apertius, nihil restricte minus ad remouendam de corruptione cogitationem quamcunque, dici poterat. Et in his quidem, vbi de corpore Christi sepulto, quid in triduo mortis ipsi contigerit, quaeritur, sedes est argumenti propria: non aequae in illo Apostoli, quod vrget Anonymus v. 34. Nam ibi, quid redemptori iam vitae restituto in posterum euenturum non sit, necdum allegato Dauidis oraculo, D. Paulus pronuntiat. Igitur, si difficultatis hic aliquid, quod ad statum corporis Christi ante resurrectionem, subesse videatur, non ex his ista, quae sedibus dicta sunt *ἰδιωτῶν*, inflectenda, sed eligenda conueniens illis interpretatio est. Quam viam iniisse adhuc interpretes plerosque omnes, auctor ignorare non poterat.

§. XII.

Est autem interpretatio non vna verborum Apostoli, qua, pugnam illis cum oraculo Dauidico nullam esse, docuerunt his animum aduertentes viri eruditi. Exponenda, quae nobis se probauit, opinio. Agnoscimus,

mus, rariorem licet, non tamen nullibi obuium, vocabulorum *μηκέτι* & *οὐκέτι* vsum, quo vel negant simpliciter, vel de tempore saltem futuro negant, non habito simul respectu ad antecedens. Vertendum igitur *μηκέτι μέλλοντα ὑποστέφειν* non *reuersurum*, simpliciter, vel, non *reuersurum posthac*. Neque enim non *amplius reuersurum* accurate dixeris, nisi qui iam ante reuersus fuerit. Christus vero nunquam ante reuersus *εἰς διαφθοράν*. Ais autem, quem negamus *reuersurum* esse in locum aut statum quemcunque, eum ante in hoc statu vel loco *fuisse*, supponimus? Memineris igitur, aut *διαφθοράν* hoc loco generaliori significato statum mortalitatis mortemque ipsam denotare posse, aut illud *εἰς* non reuersionis praecise terminum, sed euentum respicere, hoc sensu: *Christum excitatum ex mortuis, non reuersurum in vitam hanc mortalem mortemque ipsam, ita ut in ipsam tandem διαφθοράν corpus sanctissimum abire permittatur, contra quam de eo Dauides vaticinatus erat, non visurum διαφθοράν sanctum Iehouae.*

Διαφθοράν hoc loco Beza & Piscator *sepulcrum* vertunt. Idque ex vfu LXX. interpretum, quibus interdum *διαφθορά*, vt ipsum Hebr. *מִן הַמָּוֶת*, est locus corruptionis, Ps. VII. 15. IX. 16. Prou. XVI. 27. Sed his merito opponitur idem vocabulum, in sequentibus ita adhibitum, vt non locum certe corruptionis, sed corruptionem ipsam necessario significet. Nihil tamen obstat, quo minus eiusdem verbi significatio quaedam generalior hic admittatur: cum, quod *dissolutionem corporis sepulti* in allegationibus oraculi Dauidici denotet, non ex natura vocis, sed textus circumstantiis determinari, in confesso sit. Nam ibi de sepulto Christi corpore verba fiunt:

at hic resuscitatum Paulus praedicat. Negat igitur, eum in διαφθοράν, quaecunque demum illa sit, reuersurum. Et mortem ipsam διαφθοράν dici, Suidas auctor est. Quomodo & h. l. Matth. Flacius interpretatur. Internecionem, stragem, caedem, perniciem quamcunque eodem nomine venire, Lexica praecipiunt. Et φθοράν Paulus 1. Cor. XV. 42. non corruptionis actum praecise, sed corruptibilitatem dixit, seu statum corporis, quo corruptioni potest reddi obnoxium. Conf. in hanc sententiam Io. Boisius Collatione veteris interpretis cum Beza aliisque recentioribus in IV. Euang. & Apost. Actis ad h. l. p. 403. seqq. cuius locum in Curis Philol. Crit. suppeditauit ven. Wolffius. Quocum tamen in eo facere non possumus, quod & ista v. 35. allegata Dauidis verba ad Christum iam resuscitatum commodissime referri posse existimet. Repugnat enim ordo verborum Dauidis ad resuscitationem v. 11. transeuntis. Et neruus infringitur argumentationis Apostolicae, quum aequè verum de Dauide sit, eum, quando vitae olim restitutus fuerit, non visurum חַיִּים. At in Dauidem non conuenire verba, vterque Apostolus vrget; igitur non reditum εἰς διαφθοράν, sed διαφθοράς perpeffionem simpliciter negant verba Dauidica. Quod si vero & eo loco, de quo nunc agitur v. 34. quem ad iam resuscitatum respicere manifestum est, διαφθοράν nihilominus, ob sequentia, de consumptione corporis mortui aut corruptione putredinis, accipere malis, dabis interim, praepositione εἰς non necessario terminum ad quem, verum laepe etiam finem aut euentum notari, etiam quando cum nomine construitur, vt est Matth. X. 18. 2. Cor. IX. 11. Rom. VII. 10. Act. II. 38. XI. 18. &c. Id si hoc loco obtineat, verissime Christus iam resuscitatus dicitur non reuersurus ad corruptionem (subeundam), non rediturus ex vita gloriosa, hoc fine, seu euentu, vt corruptionem corpus denuo morte extinctum experia-

tur

tur. Neque ista interpretandi ratio mira cuiquam aut peregrina videri poterit, quum vel e medio petita occurrant, his quae conueniunt, eloquendi genera. Quis non enim *in suum infortunium profectum vel reuersum* dixerit hominem, vel in itinere, vel post reditum malis grauissimis obrutum? & tamen hic, neque profectiois aut reditus terminum ad quem, sed euentum notari, neque, quem in suum malum rediisse dicimus, iam ante iisdem malis pressum indicare velle, satis vnicuique obuium est. At ne tandem illud vnum, in quo haerebat, nobis adhuc obuertat Anonymus, quod de *μηκέτι* & *οὐκέτι* monuimus, paucis probandum est. Diximus in thesi, his interdum rem negari simpliciter, vel certe sine respectu ad antecedens, vt quodcunque *μηκέτι* euenturum dicitur, non necessario, iam ante euenisse aliquando, supponatur. Vix etiam fieri potuisse existinamus, quum locus Rom. VI. 9. ante oculos esset auctori positus, quin ea, quae ad eiusdem commatis extrema verba iam olim disputata sunt, in mentem redirent, vtrum recte inferatur, Christum aliquando mortis imperio fuisse obnoxium, ex eo, quod Apostolus dixerit, mortem ipsi *οὐκέτι* dominaturam? Adfirmantibus fere Pontificiis & Caluinianis nostri plerumque negant. Vid. *Wellerus* ad h. l. & *Seb. Schmidius*, nec non *Sal. Glasius* Philol. sacr. Lib. III. Tract. V. can. XI. p. 958. seq. & *Valentinus Alberti* singulari Diss. num mors Christo dominata fuerit? Lips. 1688. habita. Quibus accedit etiam rev. *Sal. Deylingius* Obseru. sacr. Part. III. p. 353. §. XI. Istis igitur iam obseruatum est, *ἐκέτι* interdum negare simpliciter, nec idem esse, quod *non iterum*, sed *non deinceps* aut *inposterum*. Quorsum praeter hunc nostrum locum Act. XIII. 34. illum etiam Io. XV. 15. allegare solent, vbi Seruator ad discipulos: *οὐκέτι ὑμῶς λέγω δόξα*. Equidem, contra haec loca non defuturum pertinaci aduersario, quod exciperet, prudenter celeb.

Wolffius monuit, cum cautione & recto sensu Christum sub dominio mortis fuisse, posse admitti statuens, quocum sentiebat *Franc. Wokenius* in Strom. Apostolicis Dom. VI. p. Trin. pag. 94. Et sane, ut in loco Io. XV. 15. significatum *non amplius*, cum respectu ad tempus antecedens, omnino retineri voluit recentior interpres Reformatus *Frid. Adolphus Lampius*, ita in Notis ad eundem, loca Act. XIII. 34. Rom. VI. 9. ὑποθέσει δὲ λείων, prorsus *contrarium probare*, iudicabat p. m. 247. Tom. III. At nobis, illud nunc negotii datum non esse arbitramur, ut de locis Rom. VI. & Io. XV. (quod paucis fieri non licet,) iudicium feramus. De loco Act. XIII. per ea, quae adhuc disputata nobis fuerunt, certissimi sumus. Urget negata de sancto Iehouae corruptio omnis: & quod in thesi monuimus, ne διαφθοράν quidem simpliciter, sed reditum εἰς διαφθοράν ante factum admittendum fore, si verum sit, μηκέτι necessario cum respectu ad antecedens intelligendum esse. Praeterea ipsum ἔτι interdum abundare, obseruant Lexicographi, ut in illo Odyss. ω. εἰμ' ἔτι γνοίη, interdum idem esse ac *posthac, inposterum*, ex Odyss. α & ε probant, ubi nostrum μηκέτι resolutum habes: μή τις ἔτι πρέφρων ἀγὰρ υἱὸς καὶ ἥπιος ἔσω σκηπτούχος βασιλεύς. Et in ratiocinando praesertim οὐκέτι occurrit in scriptis N. T. *non iam, vel non sane* significans, nullo habito ad tempus aliquod, nedum antecedens, respectu. Rom. VII. 17. 20. XI. 6. Gal. III. 18. Clarissime denique 1. Cor. III. 2. ἀλλ' ἔτι εἰν δύνανθε, immo *ne nunc quidem adhuc potestis*, de Corinthiis dicitur, non sane ea mente, quod potuerint antea, dixerat enim Apostolus: ἔγω γὰρ ἠδύνανθε. Rectissime igitur & hoc loco: ὅτι δὲ ἀνέστησεν αὐτὸν ἐκ νεκρῶν μηκέτι μέλλοντα ὑποσέφειν εἰς διαφθοράν, vertimus: *Quod autem suscitauerit ipsum a mortuis, nec posthac unquam reuersurum ad corruptionem subeundam.* Addimus *Seb. Schmidium* de loco Rom. VI. 9. argumentationi contra-

dicentem, quam noster suam fecit, Annot. ad c. l. p. 462. 463. Quando quidam, inquit, consequentiam nectunt: Non amplius moritur, ergo prius iam mortuus est, consequentia illa nulla necessitate nexus nititur. Sicut haec consequentia nulla est: quos dies nouissimus deprehendet, non amplius morientur, ergo prius mortui sunt. Quando itaque commentatores dicunt: Christus non amplius moritur, sicut semel mortuus est pridem: non consequentia est ex loco nostro, sed explicatio ex aliis locis, ex quibus constat, quod Christus semel mortuus reuera sit, desunta. Futurum tempus Apostolus respicit, in quo non amplius Christus moriturus sit, quicquid etiam prius factum fuerit: ut commode τὸ ἔτι reddi posse videatur per DEINCEPS; Christus deinceps non moritur. Hinc B. Lutherus, hinfort nicht stirbt, non autem nicht wiederum stirbt. Certe enim differunt, ἔτι, deinceps & δεύτερον, iterum. Conf. etiam ad nostrum locum, praeter Commentatores, Abr. Calouius in Exam. libb. Crellii de vno Deo §. 374. seqq.

§. XIII.

Adhuc igitur nihil est, quod corruptionis in corpore Christi sepulto quaedam initia statuere, atque eo verba Dauidis inflectere, urgeat. Pauca tamen insuper occurrunt, quae monenda duxit Anonymus. Et sub numero quidem VI. quae argumento Theologorum ex vnione personali petito opposuit, cap. I. discussimus. Septimum vero auctoris dubium locum illustrem 1. Pet. I. 18. tangit, vbi quod φθαρτοῖς, auro atque argento, opponatur sanguis redemptoris, ipsum eum minime φθαρτὸν esse oportere, aduersus Calvinianos praefertim nostri arguere solent. Id vero an recte factum sit, dubitat Anonymus, eo quod nec expresse ἀφθαρτος sanguis

guis Christi dicatur, nec, si ita diceretur, ἀφθαρσίαν ratione substantiae inde inferre liceat, quum sufficiat, ratione virtutis & efficaciae ἀφθαρτον doceri ab Apostolo.

Haec ita noster p. 557. 558. VII. Einige wollen ex 1. Petr. I. 18. beweisen, daß das Blut Christi unverweslich sey, weil es dem vergänglichem Silber oder Gold entgegen gesetzt wird: alleine das folget aus dem Gegensatz gar nicht, so weiß ich auch keinen Ort, da das Blut Christi ausdrücklich ἀφθαρτον genennet wird. Gesezt aber, es fünde sich ein solcher Ort, oder es wolte Petrus durch diesen Gegensatz bekräftigen, daß Christi Blut unverweslich sey, so gehet die Absicht nur auf die Krafft des Bluts Christi, nicht aber auf die natürliche Substanz desselben. Ἀφθαρτον ist in seiner Auferstehung worden, aber da es vergossen ward, und von den Feinden mit Füßen getreten, war es der Verwesung unterworfen. Atque ea sic nude asseruisse, probatione nulla addita, sufficere credidit.

§. XIV.

Facile quidem ita dictorum quidquid est probantium nobis extorserit aduersarius, si sufficiat, posse aliquo modo ea in diuersum a nostra opinione sensum inflecti. Verum non inferendus ex concepta hypothesi, sed ex verbis eruendus erat, sensus oraculi Apostolici. Manifestum est, oppositionem fieri inter argentum aurumque & Christi sanguinem redemptorium. Nec dubitari potest, in hac oppositione ad corruptibilitatem & incorruptibilitatem respectum esse: quandoquidem absque eo si esset, illud φθαρτοῖς frustra & sine emphasi positum diceretur. Igitur quod φθαρτοῖς oppos-

ponit Apostolus sanguinem mediatoris, perinde est, ac si ἁφθαρτον expresse eum nominasset. Neque opus est omnino, illud vocabuli de sanguine Christi ἐν τῷς adhibere requirere. Quum praesertim, nihil humanae Christi naturae, atque adeo nec sanguinem eius corruptioni obnoxium fuisse, per vaticinium Dauidicum efficiatur. Neque per hoc ipsum oraculum Dauidicum licuerit ἀφθαρσίαν sanguinis Christi ad perpetuitatem valoris ac virtutis solum restringere. Quin, ut aurum atque argentum, vel maxime etiam ratione substantiae suae, φθαρτοῖς connumerari indubium est: ita vicissim ἁφθαρτον, ratione substantiae, Christi sanguinem esse, ex oppositione recte concluditur: nisi forte illum ratione substantiae omnino corruptum fuisse, certo atque inuicte demonstrari possit. Id quod tamen haecenus a nemine, neque etiam nostro Anonymo, praestitum fuit.

Consulendi, si quis plura desideret, praeter interpretes epistolae Petrinae, auctores de sanguinis Christi ἀφθαρσία supra allegati Cap. I. nec non singulares Io. Meisneri de sanguine I. C. & Casp. Loescheri de incorruptibili sanguine Iesu, Wittebergae habitae Dissertationes.

§. XV.

Sed & illud, nostro quod fere prium est, observari meretur, sanguinem Christi, ex sententia illius, eundem, qui & pedibus hostium conculcatus & corruptus fuerit, in resurrectione factum ἁφθαρτον atque adeo reassumtum esse: quum, qui alias computruisse sanguinem affirmant, reassumtum illum atque in ve-
nas



nas recollectum in resurrectione, negare soleant. Si dicendum, quod res est, hos sibi melius constare iudicamus, contendentes, illud, quod computruit, ad integritatem non pertinuisse humanae Christi naturae. At ille noster & ruptum, qua sanguinem, (immo corpus ipsum,) personalis vnionis vinculum, & per resurrectionem restitutum, si vrgeatur, concedere, aut hypothesin factae corruptionis deferere, tenebitur.

Sane enim quod computruit, Christi sanguis esse desiit. Excidit ergo naturarum intima coniunctione, denuo assumendum a λόγῳ, si carni Christi resuscitatae restitui deberet, ἀφθαρσία simul & exaltationis gloria coronandum. Quanto rectius nostri adhuc firmiter tenuerunt regulam *Damascenianam* de fid. orthodox. Lib. III. *Quod λόγος semel assumpsit, nunquam deposuit.*

§. XVI.

Quae pro amolienda a se Calvinismi suspicione sub num. VIII. posuit Anonymus, hic verbis ipsius retulisse sufficiat. Neque enim, quam sententiam adhuc falsam minimeque probatam statuimus, de eius abusu est vt solliciti teneamur. Praeterquam quod nec Reformati omnes nec soli pro corruptione sanguinis Christi decertant.

Ita vero ὁ δεῖναι p. 558. VIII. Es ist bekannt, daß die Reformirten auch statuiren, daß das Blut Christi verweset sey. Alleine dieser Satz wird von ihnen schändlich gemißbrauchet. Denn da sie mit ihrer Vernunft die wahrhaftige Gegenwart des Leibes und Blutes Christi im H. Abendmahl nicht reimen können, so wollen sie hieraus schliessen, es könne uns das Blut Christi nicht wahrhaftig zu trincken gegeben werden. Allein
dis

dis folget gar nicht. Denn wir essen den Leib, wie trincken
das Blut, dem in der Auferstehung ein unvergänglich, und
zugleich allgegenwärtiges Wesen durch die unbegreifliche ü-
berschwengliche Krafft Gottes ist mitgetheilet. Saltem igitur
primos sacratissimi epuli conuiuas Apostolos sanguine
potatos corruptibili, eodemque mox corrumpen-
do, noster admittat, necesse est. De Calvinianis
ἀφθαρτον Christi sanguinem statuentibus supra monui-
mus. Negantibus ex Pontificiis Minoritas accedere
constat, cum paucis aliis, quorum sententia nec *Cornelio a Lapide*
improbabilis visa in Comment. ad Act. II.
27. Litem Dominicanorum & Franciscanorum in com-
pendio habes apud *Calouium* in Synopsi controu. potior.
p. 392. seqq.

§. XVII.

Tandem suae fere oblitus modestiae noster Ano-
nymus, qui Calvinismi labem sibi nolebat adspergi, no-
stros tamen, ne per assertam sanguinis Christi ἀφθαρ-
σίαν in Papismi suspensionem incautos se coniiciant, mo-
nendos fideliter existimauit. Videri enim, sic reliquia-
rum sanguinis Christi, quas Papaea iactat superstitio,
patrocinium suscipi. Scilicet, id si verum sit, sangui-
nem Christi corrumpi non potuisse, facile etiam (ita
mireratiocinatur,) fieri quiuisset, vt eius guttulae asser-
uarentur nonnullae. Quae recensuisse est refutasse:
Praesertim quum, non incorruptum tantum, sed &
reassumtum integrum Christi sanguinem in resuscita-
tione nostros statuere, non ignoraret, abhorrere il-
los ab ista superstitione, simul ipse monens: nec ta-
men ea inuicem esse ἀνύστατα probans. Nisi forte diffi-
cioris res fuerit negotii diuinae potentiae, ne quid san-
gui-

guinis pretiosissimi interciperetur, cauere, ac eundem, ut in venas recolligeretur, asseruare.

Lege tamen & hic verba auctoris, parum amussitata, pag. 558. LX. Will man das Blut Christi von aller Verwischung frey sprechen, so scheint es fast, als ob man der Meinung der Papisten favorisiren wolle, welche die reliquias desselben zeigen, als ein sonderbares Heiligthum. Denn hat es nicht verwesen können, so haben auch leicht ekliche Tropffen davon können aufgehoben werden. Welches doch unsere Theologi billig verwerffen. *Vide Clozium de sang. sudore Christi. Diff. XVI.* Haec ille. Mirum vero, ipsos ex Pontificiis Franciscanos, pro asserenda non sane ἀφθαρσία, sed corruptione sanguinis Christi, ad reliquias prouocasse, quae in Laterano, Venetiis, Mantuae ostenduntur. Et vicissim Dominicanos, pro ἀφθαρσία propugnantes, per modum exceptionis in gratiam Pontificis addidisse, *rem altioris esse indaginis, anne totus Christi sanguis in passione fusus cum Christo resurrexerit?* quo facto opus non fuisset, si in ipsa ἀφθαρσία reliquiarum praesidium esse, potuissent in animum inducere. At illis haud dubie verlabatur in mente, non incorrupti, sed corrupti omnino sanguinis esse, quas ostentari meminerant, reliquias. Audi *Franc. Collium Lib. V. de sanguine Christi Disp. VII. cap. VI. Sanguis Mantua in vrbe atque in sacra Sindone conspicitur, in quibus non sanguinis forma, sed vestigium duntaxat rubri coloris ex peracta sanguinis permutatione residuum apparet.*

§. XIIX.

Sic igitur, posteaquam satis diu, nisi me fallunt omnia, in his haesimus, finem tandem dicendi facimus. Quod ad vsus enim attinet Theologicos, ex his, quae, tra-



tractata sunt, deriuandos, v. g. de sanctitate & personae & officii mediatoris nostri; de certitudine redemptionis ipsa morte Redemptoris absolutae; de diuina circa exinanitionis aequae ac exaltationis Christi negotium omne prouidentia; de veritate & diuinitate scripturarum ex consensu V. & N. T. vaticiniorumque complemento euentissimmo; de solatiis aduersus mortem & destructionem corporis, restituendi quippe virtute Christi victoris, morte & corruptione superioris; de πληροφωρία credentium, ad exemplum liberatoris, in omnibus prouidae summi numinis curae & gubernationi iustissimae, sanctissimae, benignissimae, secure innixa, &c. plura huc facili conferri possent negotio. Quae tamen sponte, ista pie meditantibus, se offerunt. Ad extremum, non dubiorum quidem atque obiectionum recens propositarum pondere, sed rerum, de quibus agitur, momentis, permotos ad hanc operam nos accessisse, fatendum est: qui monitos velimus quoscunque, scripturarum meditationi intentos, ne in obiectanda confestim publice orbi erudito sua seu dubia, seu coniecturas, prorumpant, si quae forte circa dogmata fidei aut morum, eorumque fontes, quos classica vocant dicta, quomodocunque nouae subortae fuerint, nec nisi meditata probe, quae religionis mysteria tangunt, aliorum iudicio communi permittant.

Ipsi vero Iehouae summo, & SANCTO IPSIVS, qui solus habet ἀθανασία & ἀφθαρσία, sit honor & gloria in aeternum! Amen!

Benedictus, qui dedit lasso robur!

GRATVLATIO

CHR. AVG. HEVMANNI, D.

Est MENZERORVM dudum venerabile nomen,

Inque sacris Fastis fama perennis erit.

Quam bene, quam cupide sequeris vestigia patrum

Tu, MENZERE, sacri summe Chorage chori!

Non poterat titulus DOCTORIS reddere maius

Lumen, quo maius non habet haec regio.

Scilicet inter eos, qui dogmata sacra tuentur,

Rex voluit primo Te residere loco.

Sed sic in fatis, AVGVSTA GEORGIA *primum*

Vt Te DOCTOREM rite crearet, erat.

Ominis instar id est, DOCTORES scilicet vnquam

Ne Tibi dissimiles illa creare velit.

Sancte hi defendant Scripturae dogmata sanctae,

Exemplo errores conficiantque Tuo.

Viue, VIR ILLVSTRIS, superes vt Nestoris annos!

Sacra diu resonent pulpita voce Tua!



Mentzer, Balthasar,

Diss. inaug. sistens aphtharsian corporis Christi in cruce extincti

Gottinga 1738

4 Diss. 3401,23

urn:nbn:de:bvb:12-bsb10963571-5

VD18 15026000-001